



सानसेयारि 'बड'सा' खरीरालाइयाव सनज्यादि जिज्जो लोब्बा थानाय रायथाय, रन्थाय, सल', सल'बाथा आरु दावबायारि थावनि, पार्क बाइदिनि स्यायाव लिन्नाय लिन्नाय दिशाय ठरु। सानसेयारि 'बड'सा' खरीरालाइया खेबखानानै फोखावगोन।

बड'सायाव लिन्नायानि हुबा खालाम, 'बड'सा' खरी नोथां, जो बयबो आंगो खालाम।

सानसेयारि बड'सा मावखुनि
माइबं नोगोर, जोहोलाव दैमालु लामा
कक्राझार, बिदिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 16 March, 2024 Kokrajhar, BTC, Assam ★ Vol.- 33, Issue No. 347 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs./-

मोन 7 फसंथानफोरजों रादायाव मुंसायलायदों आसामआ थि बिथांखि लानाय बायदियै सिगांलांनो हादों: गिबि मन्थि

दिसपुर, 15 मार्च: आसामनि गिबि मन्थि उ हिमन्त बिश्व शर्माआ दिने 'गिबि मन्थिनि गाव सोनानाय आसाम बिथांखि' (गिबि मन्थिनि आत्मनिर्भर आसाम अभियान) नि बिसायख'जानाय उद्यगयारिफोरनो हाबाफारि बायदियै रंखाथियारि अन्सुंथाय गथायनाय, स्टार्टअप उद्यगयारिफोरनो रंखाथियारि अन्सुंथाय गथायनाय आरु गेदेर इन्भेस्टमेन्ट खालामगिरिफोरजों इन्भेस्टमेन्ट रादायखों खानायनि लोब्बायै श्रीमन्त शंकरदेव कलाक्षेत्रनि श्रीमन्त शंकरदेव हरिमायारि मेल जथुमसालियाव खुंनाय मोनसे हाबाफारियाव बाहागो लाफैयो। गिबि मन्थिआ दिने 'गिबि मन्थिनि आत्मनिर्भर आसाम अभियानखों हाबाफारि बायदियै बेखेवनायजों लोगोसे बे बिथांखिनि सिडव सा 50 प्रफेसनेल



डिग्री थानाय आरु सा 50 प्रफेसनेल डिग्री गैये उद्यगयारिफोरनो हाबाफारि बायदियै रंखाथि अन्सुंथाय गथायो। दिनेनि बे हाबाफारियाव गिबि मन्थिनि नुजाथि फेनायाव उद्यग आरु फालांगि बिफाननि कमिसनार एनाम एस. सिं आरु इन्भेस्टमेन्ट खालामगिरिफोर (रं थिसनगिरि) नि गेजेराव आसामयाव उद्यग गायसनायनि थाखाय गेदेर इन्भेस्टमेन्टनि थांखिजों आथिखालाव मुंसायनाय मोन 7 गोरोबलायनायनि रादायाव मुंसायलायबाय। बे फसंथानफोरा जाबाय- इन्डियान हटेल्स कम्पनी लिमिटेड (ताज काफिरड), भव्य स्टर्स्ट उद्यग प्राइभेट लिमिटेड, गेलेक्स इन्फ्रा क्रियेसन्स प्राइभेट लिमिटेड, के.डि. आइर एन्ड स्टील कम्पनी, (□ 5 बिलाइआव)

बड'लेण्ड मुलुगसोलोंसालिनि गोदान भाइस चेन्सेलर महैरै उ बाबु लाल आहुजाआ बिबान रुजुनबाय

कक्राझार, 15 मार्च: गोलाव सम नेनाय आरु गोबां दान्थे-बिदान्थे थासारिनि उनाव बड'लेण्ड मुलुगसोलोंसालिआ गोदान भाइस चेन्सेलर मोनो हाबाय। बड'लेण्ड मुलुगसोलोंसालिनि सिगांनि भाइस चेन्सेलर लाइस्त्राम लादुसिंहखों बोखारनायजों लोगोसे सासे गोजों आबुथिनि गोदान भाइस चेन्सेलर थिसनो एबसुआ गोखों सोमावसारनायनि उनाव आसामनि राइज्यो बैंगिरिनि



सेक्रेटारियेटआ उ बाबुलाल आहुजाखों बड'लेण्ड मुलुगसोलोंसालिनि गोदान भाइस चेन्सेलर महैरै थिसनो। दिने बड'लेण्ड मुलुगसोलोंसालिनि गोदान

कक्राझार, 15 मार्च: सरसनस्रा सुबुंफोरनि हा-हुनि जेनाफोरखों सुखानायनि थांखिजों बिदिसि खुंथाया 'मिसन बैसोमुथि' बिथांखिनि जर'खा हाबाफारिया हानिल' जेना सुखानायनि हेफाजाब गोनां जायाखें। आबादारिफोरनि आबाद दाहार एबा आबाद बिफाननि गुबुन गुबुन बिथांखिनि गेजेरजों मुलाम्फा

सा-सान्जा ओन्सोलनि द'थि फारिलाइयाव थानाय गौथुमयारि ओन्सोलफोरनि थाखाय 'मिसन बैसोमुथि'आ मोनसे जारिमिनारि आगान बिटिसिनि सरसनस्रा सुबुंफोरनि हा-हुनि जेनाखों सुखानायनि लामाया रोखा जादों



मोनायाव मोनसे मख'जाथव बिफाव आजावना लाजागोन। मख'नो गोनांदि, दिने कक्राझारनि डिस्ट्रिक्ट लेन्ड मावखुलियाव मोनसे खौरंगिरि मेलनि गेजेरजों बेनि सोमोन्दे बिदिसिनि जथुथाय नेहाथारि रिन्तु चन्द्र बर'आ फोरमायनानै होदों। (□ 5 बिलाइआव)

बासुगाव गं 30 बिसिना गोनां फाहामसालि बेखेवदों

बासुगाव, 15 मार्च: गोबाव बोसोर नाडे हाग्रा-बंग्राजों दुफबनानै थानाय बासुगाव जुथाय देहा मिरुखों दिने हाबाफारि बायदियै बेखेवना होयो। फिथा हास'नानै बेखेवना होयो बिदिसिनि देहा बिफाननि मावफुं सोद्रोमा अरुप कुमार देआ। बिथाड गासे गं 30 बिसिना गोनां फाहामसालियाव गाबोननिफ्राय फाहामथायनि खबु मोनगोन होनानैबो बुडे। माखासे बोसोर उनाव बेखेवजानाय फाहामसालियाव सासे गाइनेक'लजि फाहामगिरि आरु सासे गथ'साफोरनि फाहामगिरि थागोन। 18 बोसोरनि उनाव बेखेवजानाय फाहामसालिखों मोजां थासारि सोर्जिनयनि थाखाय राइजो-राजानि हेफाजाबखोंबो बिफाननि मावफुं सोद्रोमा देआ हास्थायदों। हाबाफारियाव राइज्यो सभानि एमपि रोनागोरा नार्जरीआ बाहागो लानानै देहा मिरुखों बेखेवजानाय लोगो-लोगोनो ओन्सोलयाव मोनसे गोदान मुगाया सोर्जिजागोन होनानै बुडे। आथिखालाव ओन्सोल नाडे गोजोन थासारि सोर्जिजाबाय होनानै बिथाड बुंदोंदि,



सान्जा-सोनाब-सा-खोला होननाय जेबो बाथ्रा गैलिया। जेबो सानालासेनो गोसो बायदि गासैबो हारिनि सुबुंफोरा हाथायाव आरु फालांगि मावनो हानायनि थासारि फेबाय। बासुगाव सोहोरनि साखाथियाव थानाय कामारडंगयाव (□ 5 बिलाइआव)

कक्राझार लक सभा बियाबनि एनडिएनि बिजाथि जयन्त बसुमतारिखों बरायदों कक्राझारआव नब' शरनिया, बिपिएफनि बिजाथिया गोबां भटनि फारागथियाव जेन्नाया रोखा: जयन्त बसुमतारि

भबानिपुर, 15 मार्च: कक्राझार लकसभा बियाबाव इडपिपिएल आरु एनडिएनि बिजाथि सिदली बिधान सभा बियाबनि एमएलए जयन्त बसुमतारिआ बिजाथि महैरै सायख'जानायनि उनाव दिने गिबि खेबनि थाखाय वाक्सा जिल्लानि सालबारिआव नुजाथिहैयो। मख'नो गोनांदि,



जयन्त बसुमतारिआ दिने सालबारिआव नुजाथिहेनाय लोगो-लोगोनो इडपिपिएल, बिजेपि, एजिपि दोलोन गोबां देदेनगिरि-मावथिफोर स्ल'गान होनानै, फटका गावनानै बिहु फालि-आर'नाइजों दुंबुदये बरायो। बेनि उनाव सालबारि टिसिएलसिसिनि मावखुलियाव इडपिपिएलनि सालबारि जिल्ला आफादिनि गाहाइ नेहाथारि सुरेश (□ 5 बिलाइआव)



माहारियारि देहा बिथांखि, आसामनि राइज्यो गथ'सा देहा हाबाफारि (आरबिएसके) सेलआ सा-सान्जा ओन्सोलयाव गिबि खेबनि थाखाय बंशिआव थानाय आसाम जल भवनयाव खुंना 5 साननि ओन्सोलयारि खोलोबनि फोरैथाय होनायाव बाहागो लाफैनायफोरखों दिने बयगो राइज्यो स्वास्थ्य अभियाननि उन्न नेहाथारि एबा मिसन सामलायगिरि मुस्लिमा एल.एस. चॉवनआ। बिथांखों मदद होयो आसाम सरकारनि देहा आरु नख'रे अन्साइ बिफाननि कमिसनार नेहाथारि उ पि. अशक बाबु (आइएस) आरु राइज्यो स्वास्थ्य अभियान, आसामनि बिथोनगिरि उ एम.एस. लक्ष्मी प्रियाया।

भबानिपुर आन्सलिक कलेजआव गेलेमु फोर्बों खुंदों

भबानिपुर, 15 मार्च: जारिमिनारि भबानिपुर दखरा फरायसालिमायाव खुंनाय बोसोरारि गेलेमु फोर्बोंआ दिने जाफुंसार महैरै खुंफुंजायो। मख'नो गोनांदि, दिने बोसोरारि गेलेमु फोर्बोंनि बान्था रान्नाय हाबाफारि खुंनाय जायो। भबानिपुर दखरा फरायसालिमानि गोरयुं उ मुकुन्द शर्मानि आफादगिरि मासि सामबलायनायाव खुंनाय बान्था रान्नाय हाबाफारियाव गाहाइ आलासि महैरै फोरंगिरि आरु फरायसाफोरखों थांखिनानै बिबुंथि होयो आसाम जातियताबादि लाइमोन फरायसा आफादिनि बजालि जिल्ला आफादिनि बोसोनगिरि बिजान (□ 5 बिलाइआव)

सा 300 तिर्थ दावबायारिफोरनो नदियासिम दावबायनायनि खाबु होदों मावफुं सोद्रोमा अरुप कुमार देआ

कक्राझार, 15 मार्च: गासे सा 300 तिर्थ दावबायारिफोरनो नदियासिम दावबायहेनायनि खाबु खालामनानै होदों बिदिसिनि मावफुं सोद्रोमा अरुप कुमार देआ। नदिया चलो जात्रायाव बिलासिपारा, सापतग्राम, चापर आरु कक्राझारनि दाब-दाब ओन्सोलनि गासे सा 300 तिर्थ दावबायारिफोर बाहागो



लायो। मावफुं सोद्रोमा देआ सा 300 तिर्थ दावबायारिफोरनो दावबायहेनायनि खाबु होनानै सुबुंथिनि सिनायथि होदों। 22 मार्चआव फिन सा 150 तिर्थ दावबायारिफोरा नदियासिम दावबायहेगोन आरु बयबो नवदिप मायापुरआव हलि गेलेगोन आरु हरिनाम आर'ज (□ 5 बिलाइआव)

सिगनेचार बिथांखि, राइज्योयारि गाव-गोनांथि जौगाखां फान्ड आरु मैत्रि बिथांखिनि सिडव लुनाय मोन 4 लुफुंथाय बिथांखिखों बेखेवनानै होयो। बे बिथांफोरा जादों, गेलेग्रा फोथारिनि लुफुंथाय फोर्बोंखानाय, जिल्ला हान्थामेला बिबानगिरि आरु जिल्ला खुंथायनि मावखुलि भवन, मैत्रि बिथांखिनि सिडव डबका (□ 5 बिलाइआव)

श्रीशंकर संघनि प्लेटिनाम माइथाय फालिथाया जागायजेनबाय

भबानिपुर, 15 मार्च: भबानिपुर बिधान सभा बियाबनि सिडव सोलेंथाइ, गेलेमु, हारिमुजों बुंफनाय जारिमिनारि कर्देगुरि गामिनि श्रीशंकर संघनि प्लेटिनाम माइथाय फालिथायनि थुंगे हाबाफारिया सानथामनि हाबाफारिजों दिनेनिफ्राय जागायजेने। दिने फुंनि 9 रिगायाव कर्देगुरि गामि आफादिनि आफादगिरि प्रानेस्वर तालुकदारआ प्लेटिनाम माइथाय फालिथायनि गाहाइ दरखंखों बेखेवनायजों सानथामनि मेहेर गोनां हाबाफारिआ जागायजेने। बेनि उनाव श्रीशंकर संघनि फिर्फिला बिरहोयो कर्देगुरि श्रीशंकर संघनि बारग' आफादगिरि धरनिधर उजिआ। मुंखलंफोरनो मान बाडनाय (□ 5 बिलाइआव)

सुजुगिरिनि खोलोम

आखल-आखु दनाय

आधिखालनि समाव माखास जाथायफोरा सुबुंफोरनि थाखाय मोनसे गनायनो हाथावै बादि थासारि सोमजिनाय बादि सानो । साफ्रेम सुबुंफोरानो सानो, आधिखाल मुगाजों समानै आगान सुरफालांनोब्ला माबादि रोंगथि आरो मोन्दाथिया गोनां । गिदिर-उन्दै मान होलायनाय आरो अन्नाय दिन्थिनाय हुदाफोरा बाहाय जायै जालांनो हमनायाव सुबुंनि मावनो गोनां हाबायाव जेना फैनाय नुनो मोनो । मान होनाय आरो अन्नाय होनायल' नड गिदिर-उन्दै, जाम्बा –दुखि रोंनाय-रोडैनि सायावबो फारागथि फैनाय नुनो मोनो । बेफोर जाथायफोरा जैरें बांबोदों बेबादिनो समाजआरि गाज्रि हुदाफोराबो बांबोनो हमनायखौ नुनो मोन्नाय जायो । गावजों गावनि अनज्लायनायावबो सानफा एफा खाबु-राहाखौ बिथा खालामनानै सोलिनो लानायबो नुनो मोन्नाय जायो । जाउनाव समाजआरि जिउ खुंनाय लामायाव सिगांफोरनि बादि गोरोबनानै थानाय, मदत-हेफाजाब आरो अनज्लायनायावबो सोलायनाय फैनायखौ नुनो मोन्नाय जायो ।

सुबुं समाजआव लाइमोन बैसोनि इयुन दाफुंनयायो जिउनि सिमांजों रत्साय जानाय । लाइमोन बुल्लियानो गावखौ सासे गोगो गेवलांसार ओंथि गोनां नोगोरारि दानानै लानायनि थि सम । समाव बे खाबुखौ एरैनो थांहोयोब्ला गोमो गोथां इयुननि सिमांआ सिमाडै-नो गोमालांगोन । नाथाय दुखुनि बाश्रादि, मिबथिनानैबो खायफा लाइमोनफोरा गावनि जिउखौ थांखि गैयै खालामनानै लानायाव जिउनि थांखिया खोमसि जालांनयाजों लोगोसे समाजनि फासैंबो खहा जायो बेखौ जों बयबो मिबथिगों ।

आधिखालाव लाइमोन समाजनि गोबांआनो निसा गोनां मुवाखौ नख 'रनि आन्दोआव थानानै लाखोमानाय हुदाफ्रा समाजखौल' सिलिंखार खालामाखै गावजों लोगोसे नख 'रनि बिमा-बिफानि लुबैनायखौबो फोजोबस्त्रानानै होनाय जायो । निसा गोनां झगस लानायजों लोगोसे गाज्रि जाथाय -बिजाथायजों गिखंथाव महरनि बेराम-आजार जानानै अरायनि थाखाय बेंगुरा जानांनयाबो नुनो मोन्नाय जायो ।

बेफोर गासै जेंनानि आंखालखौ बोस्त्रांनो समाजआनो थोजासे नड । दा आरो इयुनखौ गोगोयै दाफुंनो गासै थाखोनि आफाद, गौधुम आरो बाइदिसिना फसंथानफ्रानो बेनि सायाव गिलित बिबान रुजुनांगोन ।

दिनैनि फान्जामुथि

राशि बाइदियै मुंनि गिबि हांखो

मेघ : अ ल	बृष : ऊ ब (उ ए इ)	मिथुन : क छ (ङ घ)
कर्कट : ड ह	सिंह : म ट	कन्या : प ट (ण ष)
तुला : त र	बृश्चिक : ब न	धनु : ध भ (ढ फ)
मकर : ख ज	कुम्भ : ग श (स)	मीन : द च (ख ज झ)

मेघ: मोजां मोनलायनायाव अनलायनाया बांगोन सोमोन्देया गोर जागोन ।

बृष: बहाबाफोर दावबायहैनो मोन्नो हागौ । गोजोन्नायखौ मोनगोन । मोजां सान ।

मिथुन: माबाफोर मावनो थाखाय खामानि नागिरोब्ला मोन्नो हागौ । गोजोन मोन्नो हागोन । मोजां सान ।

कर्कट: नख 'रनि गोथार खामानि मावनो गोनां दड'बा मावनो हागोन । सान्नायफोरा जाफुंनो हागौ ।

सिंह: बे राशिनि थाखाय अशुभ सम । गोथार खामानि मावनो नाड । गोसोखौ हमथा ।

कन्या: बायदिसिना नांगीनि थाखाय रां खरसा जानो हागौ । आखाइयाव थानाय राड जोबस्त्रांनो हागौ ।

तुला: दिनैनि दिनआव खस्थ' मोन्नांनयाजों समखौ हगारहरनांनो हागौ । गोसोखौ हमथा ।

बृश्चिक: जेबो जेंना-जेंसि गैयै शान्तिवै थानो हागोन । फारफ्रेमथिबो मोजां ।

धनु: गोथार खामानिफोराव आगान होनो नाड । बे राशिनि थाखाय मोजां सान नड । गोसोखौ हमथा ।

मकर: शुभ खामानि मावनानै लानो हागोन । सान्नाय बायदि मावोब्ला जाफुंनो हागौ । मोजां दिन ।

कुम्भ: जेरावखि जाया दावबाय हैनानै गोजोन्नाय लानो हागोन । फारफ्रेमथिबो मोजां ।

मीन: जेखियानो जाया मोजां खामानि मावनानै लानो हागोन । दिनैनि सानआ शुभ सम । जौगानो हागोन ।

दिरव्ववार

जि खोन्दो

-प्रतिमा नन्दी नार्जारी

दिनै बैसाख दाननि जि अक्ट लाइस्त्रि आरो अनसुलानि गोथार जुलि । जोबोद समायना –रमायना साजायदों न'नि लांगोनानि गेटखौ जोंथि-माथि जोंब्लिथजों साजायफबदों गासै न'फोरखौ आरो गासै बाउन्डरिखौनो । गाजा-गोमजा लैहोर-लैहोर सेंग्रा-सिख्ता जाथि-खुरमाफोर फैजोबथारबाय हाबा जानो । देलाइ-मालाइ गोदान-गोदान दखना जोमग्रा गानना-जोमना आर'नाइ लानानै सोरनि देलाइनायखौ बेसे नायश्रनो । जेरैखि नाया गोसो गोजोन्नाय थासारि । लाइस्त्रि बिबौआबो जोबोद खुसिथार । गाव फसायनाय सेंग्रा मोन्नायखाय । बेखायनो गोबां हागौमानि खरसा खालामनानै साखा-फारा खालामदों पेन्डेल साजायनायफोराव, जाहोनाय-लोहोनायफोराव ।

नाथाय ब्रह्म धरोमारिफोरा गोदो जुलि सानखालि ना-बेदर सिथारनाय नेम गैयामोन । निरामिस जाहोनाय नेममोन । थामहिनबा दालि-लाब्राजोंनो हौवा लागोखौबो ओंखाम जाहोहरोमोन । बेनिफ्राय जुलनि फोर्बोंफोरा थामहिनबा जैय सावनाय आरिफोरा जोबस्त्रां खंब्लासो ना-बेदरजों जाहोनाय नेममोन । लाइस्त्रि जुलि सानखालिबो बेदिनो सोलिदोंमोन ।

बिबौ बोराइया गावनो बिलाइनो ओखारदों फिसौजोखौ । नंखायनो नख 'रनि बयबो खुसिजोब । लैहोर-लैहोर फैदों लेंहरजानाय आलासिफोराबो मिनि खुसि बयबो हेफाजाब होफेदों । जुलनि लग्न थामहिनबा जैय सावगोना मोनानि दाइन रिंगायाव जागायगोन । नाथाय हौवा गोदाना दाबो सफैथ'आखै । दा फुंनि गु रिंगासोल' जादों । जिसे रिंगासोनि मादावनो सफैनो खोथा । जुलि फोर्बोंआ लाइस्त्रि बिबौनि न'आवनो खालामनायनि रादाइ जाखानाय । नंखायनो ब्रह्म धरोरमनि नेमखाथि जोंनो जानो गोनांखा । हरै हौवा गोदान अनसुला बसुमतारिमोनहा नख 'राव बाथौ धरोरम सिबियारिसोमोन । नाथाय लाइस्त्रि बिबौमोननाव जुलिखौ खुंनायखाय ब्रह्म घोरमनि नेमजोंनो जासिगोन । बयबो जोबोद मुखुबथार बाइदि रोखोमनि खामानि मावनाय-दांनयाव । सेंग्राफोरा खायसे गेट बानायदों साजायदों । खायसे आहुति जैयनि खुन्द' बानायना साजायदों । सोरबाफोरा ओखाम-इंथ्रि सनारनि साखा-फारा आवथाइदों । जाहोनायनि लोंहोनायनि लाहार-फाहार खालामदों खाइसे न' दरखडव थालि बिफां गायगासिनो दड । गोबांआनो गोबां हाबाफोराव नांथाबना मावगासिनो दं । बेनफारथि दामग्राफोराबो दसे उनावनो सफैनो खोथा । मानो होनब्ला हौवा गोदान बरायनांगो नालाइ थाब फैगोन । बिदिनो बयबो मुखुबजोब गाव गावनि हाबायाव । लाइस्त्रि बिबौआ गावनो सुलु लाफा-लाफा खालामगासिनो मोनफ्रेमबो खामानिखौ मोजाडै मावदोंना मावाखै ।

सिगाडव बुंखानाय बायदिनो समाव बैराथि जरायाबो सफैनायसै । सानैबो गामिनिखा जेब्लाबो बयनावबो बैराथि जाग्राखा । समायना जराखा । बेनिफ्राय जारौ बिमाया बैराथिफोरनो दखना गोदान गस्ला ब्लाउस गोदान होना गानस्त्राय होनायसै बेनिफ्राय गोमो रुंनु थानाय गुफुर सादोर गांफा-गांफा होनायसै लोगोसे नेम मथ' हिन्जाव दाबा गंफा-गंफा होनायसै । बेनिफ्राय सिगाडवबो बानायना दोनखानाय आलारि बाथि साजायनाय सान्द्रिखौ बैराथिफोरनो सोमजायना होनायसै । माखासे बेसादफोरखौ जेरै से रां जरा, गय जरा, फाथै जरा, गाजेल जरा, माइ एसे, हा फिथर थरसे-थरसे, आलारि बाथि जरा, बिबार जरा, फन्स सस्य मुथासे सान्द्रियाव लाइजों बनानै साजाय नांगोखो साजायनानै लाखानायसै । सानैबो साखा-फारा जाखानायसै हौवा गोदानमोन सफैब्लानो बरायनो थाखाय ।

लाइस्त्रि बिमाया गामिनि सिख्ताफोरखौ बयबौबो लिहैजोबबाय हौवा गोदान बरायनायाव हेफाजाब होनो थाखाय जायहा असुबिदा गैया बिसोरो थाब थाब नुजाफैजोबबाय । गावसोरनि बाहागिफोरार्थ' फुडवबो नुजाफैखादों । मावफैजोबखादों ।

बिदिनो हौवा गोदान फैनायखौ लामा नायनायाबो दसे उनावनो थुंगेनायसै । थिख जिसे रिंगायावनो सफैनायसै । बेनिफ्राय जोबोद खुसिनि दावराव हौवा गोदान सफैनायनि जै धोनि होनायजों गोगोम जालायनायसै । लाइस्त्रि बिबौआ बाहाल मोन्दो सानसुआवनो हौवा लागोखौ सफैनांगौ खालामखादों नालाइ । बिसोरबो खोथा लाखिनानै सानसुआवनो सफैखानायसै । हौवा गोदाननि लोगोफोर गोबां फैफादों । मानोना लोगोजों जुलियाव थानायजों लोगोसे एखनब्ला गाव गावनि सिख्ता फसायनायफोरबो नुसोनो नालाइ बेखायनो बे सुजुगखौ सेंग्राफोरा नागरखाया । बै समाव मोनसे बुंस'हायै गोजोन थासारि सोमजियो सेंग्रा-सिख्ताफोरनि गोसोआव । बिसोरनि गोसोफोरा उरायगलाडे बबेहाय गावसोर दड बावथ'लायो । बेनफार्थि दामनायजों मिनि खुसि रंजा-बाजा बयबो मोसानो मोसानो गोसो जायो । सेंग्राफोरा खाबु लायै-लायै सिख्ता एदावनो लुबैयो । बे समाव बिसोरनि गोसोफोरा उरां-फारां बिरग्लानो हमो । सोरबा सेंग्राया सोरबा सिख्ताखौ फसायपलाडे आरो सोरबा सिख्ताया सोरबा सेंग्राखौ नोजेर गोगलैयो । बिदिनो जुलि फोर्बों दिनाव बाइदि रोखोमनि गिनिथाव-मिनिथाव जाथायफोरबो जालायलाडे । बै बुल्लिया जोबोद मोनसे गोजोन थासारि लाबोयो । लाइस्त्रिमोननि जुलिखालिबो बिदिया जायालासे थायाखैमोन । जोबोद मुजिदोंमोन हौवा गोदान बरायनायावबो बयबो ज'-ज' मोसाजोबदों । जोबोद गोगोम थासारि । हौवा गोदान लागोआ गासै नैजिसासो फैदों । गावनि सिगांनि फरायनाय लोगोफोर आरो हौवा गोदान बिमा-बिफा फंबाय बिनानावफोर फैजोबदोंमोन । बिदिनो बरायना लाबोनानै गेटसिम मोनफैब्ला हौवा गोदान आरो मेथरखौ गेटआवनो फसंथ'थो आरो नेम बायदियै लाइस्त्रि बिनानावमोनहा गोदोनायाव आर'नाइ गानहोना बरायनायसै । बेनिफ्राय सासेआ हौवा गोदाननि आथिखौ सुना होनायसै आरो थाव फाउडार फुनना हौवा गोदानखौ खानाइ खानना होनानै देलाइ होनायसै । बेनिफ्राय बरायना लाबोनानै न' सिडव लाना थाडे ।

बेनिफ्राय बर'फोरनि मोनसे गोनां नेम बायदियै साहाथिनि न'आव थिसन्यायसै । हौवा गोदान आरो आइजोफोरखौ न' सिडव जिराय होनायसै । हौवाफोर बोराइदबफोरखौ नेम बादियै सिथ्लानि सायना सालि सिडव जिराय होनायसै । बर'नि नेमखाथि बायदियै जुलि भजफोरनि थाखाय सिथ्लयाव सायना लुयोब्ला औवा बिजौखौ गासैबो साहाथिं खालामनांगौ नेम । लाइस्त्रिनि जुलनि सायनाखौबो बिदिनो लुदोंमोन आरो मोनसे मिथिनो गोनां बाश्राया जाहैबाय सिथ्लानि सायना सालिनि सोनाब फारसे साहा फुटुंग्रा अगदाब बानायनांगौ नेम । बेबो दुब्लिनि आलिखौसो ससे ससे दानस'नानै थरबा लाबोनानै अगदाब गनै खालामफैनांगौ । बेनिफ्राय बै अगदाबवनो साहाखौ फुटुंनानै हौवा गोदान लागोनो लोंहोनाय नेम आरो लोगोसे जुलियाव नुजाफैनाय बयनोबो लोंहोयो । बेयो बर' हारिनि गोनां मोनसे नेम-खाथि । हौवा लागोआ न'आव हाबफैगोमोना मोनसे नेम दड, हिन्जाव गोदाननि बिमा-बिफाया गावसोरनि राइजोफोरखौ लानानै हौवा लागोआ मा मा बेसाद लाबोदों बेखौ नायनाय । थामहिनबा जुलि रादाइ खालिनो मा मा लाबोनांगोन बेखौ थि खालामखायो । बेखौ बिबान लाबोनाय बुडे । बेबो मोनसे एंगार हायै बर'नि नेम । बे बिबानाव थायो जेरै- गय फोनायनैसो, फाके दिस्थसेसो, सिनि जि सेरसो, साहाफाथ से फवासो, मुरि सेरनैसो, गाइखेर लिटारनैसो, बिरि, सिगारेट आरो थांखुफोरबो थायो । रादाइ खाखानाय मथे जुलि दिनखालि बेखो बानना लाबोयो । बेनिफ्राय हौवा लागोआ हिन्जाव लागोनो फुटुंनानै लोंहोनाय नेम दड । बेखोनो बर'फोरा बिबान लोंहोफैनाय होनना बुडे ।

बुंनो थांब्ला बेफोरनि अनगाबो गोनां मोनसे नेम दंबावो बेयो जाबाय गनै थिंख्लि बानना लाबोनांगौ । गंसे थिंख्लियाव साननि सावगारि बोनाय थागोन आरो बेनि सिडव चिनि साहाफथ थागोन आरो गुबुन गंसे थिंख्लिआव अखाफोरनि सावगारि थागोन आरो बेयाव गाइखेर लाबोयो । बिदिनो रादाइ मथे लाबोदोंना लाबोआखै बेखोनो नायनाय नेम । मिथिबावनांगौ नेमनि बाश्राया जाबाय-जुलि जोबखानानै जेव्ला हिन्जाव गोदानआ बिदाइ लानानै थानो ओखारब्ला हौवा लागोआ लाबोनाय थिंख्लि गनैनि मादाव जेराव साननि सावगारि बोनाय दं बेखौ हिन्जाव गोदान बिफानो होलांनयाय नेम दं । बेफोर बायदि बर'नि जुलि नेम-खाथिफोरखौ लाइस्त्रिनि जुलिखालिबो फालिजोबदोंमोन ।

लग्ननि सम जानाय लोगो लोगो लाइस्त्रि आरो अनसुलाखौ आहुथि खुन्द'आव बरायना लांनयासै । जोबोद रंजा-बाजाजों हौवा हिन्जाव मोसागुं लानयानै दिहुनना लाबोनायसै । ब्रह्म धरोरमनि नेम-खाथि बादियै जुलि जैयखौ दैदेनलांनो थाखाय सासे रोंगथि गोनां फुरहित थायो आरो बै फुरहितआनो गासै मोन्थोर खननाय आहुति होनायनि खामानिफोरखौ जोबजासिम दैदेनलांनंगौ

जायो । बिदिनो जैयहुतिनि अग्निखौ साथि दोननाने लाइस्त्रि बिफाया गावनि फिसाजोखौ अनसुलानि आखाइयाव जिउनि लोगो हिसाबे गथायना होनायसै । बेखोनो हारसाफोरा कन्यादान होनो । बेनिफ्राय नख 'रनि बयबो साफा-साफा जोथोब होनायसै । थामहिनबा बोर होनायसै । बेनिफ्राय अखानायै फुंनि ब्रै बाजियावनो बिदाइनि लाहार-फाहार जानायसै ।

बै समाव लाइस्त्रि बिबौहा गंसे बास मटर दंमोन । लाइन बास हिसाबै सोलियोमोन । बेखायनो गुबुन बास गंसे आरो ट्राक गंसे भारा लादेरनायसै । बेनिफ्राय हौवा लागोनो फुंनि साहा मुरि लोंसां होनायसै । बेनिफ्राय खुलुमसांलायनानै बिदाइनि फोर्बोंखौ खालामनायसै । बिदाइनि समाव लाइस्त्रिया जोबोद गाबो बिब'-बिनानाव बिमा बयबो गोबाखबलाइना गाबो न' नागारलांनयायजों लोगोसे गावनि नख 'रनि आंगोफोरखौ नागारनांनयनि दुखुजों । मानोथाइ लाइस्त्रिया एरैबादि गाबदोंमोन जेन बबेबा खैफोदनि हाख'राव नारहरनाय बादि ।

बेखौनो खायसे बुडे- हिन्जाव गोदाना बिदाइनि समाव बांद्राय गाबनाया मोजां नड होनानै । माबा मोनसे बिगिनि मोन्नायनि इसारासो होनना ।

बे खान्थियानो हिन्जाव फिसानि खाफालखा । थै-थां जेखि जाहैआ गुडुं गुसु मिथिया जासे मालायनि नख 'राव दैथाय हरजानांगौ जायो । फिसाइ बिखुन्जोफोरा मोजांब्लासो मोजाडै सोलिनोसै गाज्रि फोरब्लाथ' खायसे बेसेबां दुखु दाहा सहायनांगौ जायो । थेवब्लाबो बयबो बेफोर बायदि नेमखाथिखौ गोबाना लानांगौ जायो । बेनो संसारनि सोलिबोनाय संसार धोराम खान्थि बुंनंगोन । बै संसार धोरोमखौ बयबो फालिनांगौ जायो । बे मुलुगु संसारखौ बासायना लाखिनो थाखाय । बेखायनो लाइस्त्रियाबो गआखैमोन बै संसार धोरोमखौ फालिनांगीनिफ्राय ।

समाव दोनलांग्राफोरा गोबां थानोंमोन । गाजा-गोमजा खुसि-खुसि बयबो ओंखारलांनयासै । बेनिफ्राय मोजाडे-मोजां गंथाम गारियाबो हौवा गोदाननि गामिखौ मोनहैनायसै । बिसोर लागोआ नाथाय टिला-टिलि गोजौ गाहायसोमोन । सोरनाबा न'आ टिला गोजौआव आरो खायसेना हाब्रां गाहायाव । लामाफोराबो गोजौ गाहाय ।

बिदिनो हिन्जाव गोदान गाखोनाय बास मटरा थाडेथाडे हौवा गोदाननि न' मोनहां जाब्ला मोनसे हाब्राडव थाबथाहैयो । बै समाव एसे फ्रि-फ्रि अखाबो हादोंमोन । नंखायनो बोरेबा स्लिप जानानै हाब्राडव थाबथा हैयो । बासनि ड्राइभरआ गारिखौ फावसायफिननो जोबोद नाजादोंमोन नाथाय गारिखौ लोरसोरखौनो खालामनो हाया खैमोन बियो । दानिया मा राहाबाव ड्राइभरआ आखाइ दिखानायसै । बयबो बेयावनो ओंखारनानै थाबायलांनसिगोन होनानै ।

एरैबादि, खाफाल गाज्रि होननांगौना मागौ । सौफैखाथारनानैसो गारिया थाबथानाय । उनाव जारौ बिबथैयासो फैनानै इसोरनि मुं लाना फासयना बख'नो नाजानायसै बेनिफ्राय दसे उनाव रैखा मोन्नायसै । बेनिफ्राय फासयनो हानानै हौवा गोदाननि न'सिम सालायना लांनयासै । बेबायदि जाथायबो जादोंमोन लाइस्त्रिया हौवा गोदाननि न' गाजेन हैनायाव । जेखि जादोला हौवा गोदाननि न'सिम सहैब्ला हौवा गोदाननि बिमाया न' लांगोनानि गेटआव गावनि फिसाज्ला आरो बिहामजो गोदानखौ जौनि बर'नि नेम बादियै दाउडे नेवसिनानै गारहरो आरो आथिं सुना होयो । बेनिफ्राय आलारि बाथिजों बरायनायसै । बेनिफ्राय बैराथि जराफोरा आरो गुबुन बरायसुलिफोरा माइरं बिबार सारनानै हिन्जाव गोदान न'आव हाबफैनायनि जै होनै-होनै जै धोनि होनानै बरायना लांनानै जौनि हारिनि नेमखाथि बायदियै साहानि न'आव हिन्जाव गोदानखौ थिसन हैनायसै । बेनिफ्राय माखासे न' सिडव आरो हौवाफोरा सिथ्लयाव जिरायहैनायसै । बयबो जोबोद खुसि । हौवा गोदाननि न'फोरबो सिथ्लानि सोरगिदिं थिनिजोबमोन ।

गोदो बर'फोरा न' थिं थांब्लानो माहाजोन होनोमोन । मानो होनब्ला गोदो थुरि जिगाबजोंसो न'फोरखौ लुयोमोन नालाइ, बेखायनो जायहा न' थिं लुनो हायो बिसोरखौनो माहाजोन होनना बुडेमोन । लाइस्त्रि बिहावआबो माहाजोनमोन । गोबां गायग्रा हाबो दंसोगारो नालाइ । बयबो जिरायखंब्ला हिन्जाव गोदान लागोनो दै लोंनो होंफेनायसै बेनि उनाव गोदानि नेम बादियै साहा मुरि जानो-लोनो होंफेनायसै । बेनिफ्राय ओंखाम जानायनि फारि लानायसै । बर' हारिना हिन्जाव गोदान दोनलांनो थांब्ला हिन्जाव गोदान लागोनो अमा सिथारना जाहो हरनाय नेम दं । बेबायदि नेमा दाबो सोलिगासिनो । जायफोरा नानि फुखि दं बिसोरहा नाबो जाहो हरो । बिदिनो जाखां लोंखां बर'नि नेम-खाथि बायदियै निरिथ बस'नाय नेम दं । बे नेमाव हौवा गोदान आरो हिन्जाव गोदान बिफामोनहा गामिनि गावबुरानि दारै गंसे खामफ्लाइ सायाव लाइजौ बनानै बेनि सायाव गांसे गामसा फिसा बनानै बेयावहाय से रां जरा, गय जरा, फाथै जरा आरो थाइथाम थाइब्रेसो इन्दि फिथाइ दोननांगौ । बेनिफ्राय गामिनि गावबुराया रायखना होनानै हिन्जाव गोदान बिफाखौ रां नडब्ला इन्दि फिथाइखौ खनखानो थिनो । फिसाजोखौ बिहावनि न'आव गालांनयनि जाहोनाव बारिहागानि थामहिनबा बारियाव खिनारयनि थाखाय हिन्जाव गोदाननि बिफाया रां होलांनयाय नेम दड आरो फिसाजोखौ रांनि सोलाइ इन्दि फिथाइ खनखाना लानाय नेम दड । हिन्जाव गोदान बिफाया हौवा गोदान बिफानो से रां जराखौ होलांनंगौ । बेनो बर' हारिनि निरिथ बस'नायनि नेम-खाथि । बिदिनो निरिथ बस'खानाय उनाव राइजोफोरनो साहा सिरिसे लोंहोबावनाय नेम दंड । बेखायनो लाइस्त्रिमोननि जुलि फोर्बोंखालिबो लोंहोदोंमोन । बेनिफ्राय साहा लोंसांखानानै बिदाइ लानायनि समाव बेनफारथि दामनायजों हिन्जाव गोदानमोननि गाबगु-खुगुजों दसे गोगोमथार जाबावनायसै । बेनिफ्राय बिदाइ लानानै साफा-साफा बयबो दुखु मोखाडे'ज'-ज' ओंखार लांनयासै आरो गारियाव गाखो हैजोबनायसै । बेनिफ्राय गासैबो गारिफोरा न'फारसे थांफिननो रावना होनो लानायसै । लाइस्त्रि, अनसुलानि जुलि फोर्बोंआबो दिनैनि थाखाय जोबथ'नायसे नाथाय बर'नि मोनसे नेम दंबावो हिन्जाव गोदान हौवा गोदान दोनलांग्राफोरा लाइस्त्रिनि बिफानि न'आव बयखौबो ओंखाम जाहोफैनाय । अब्लासो बै दिनि फोर्बोंआ जोबसाडे ।

फिलिस्ताइनआव सासे गोदान मन्थ्रि थिसन्नाय जादों



गाजा 15 मार्च : गाजायाव इज्राइल आरो हामासनि गेजेरव गिखंथाव दावहा सोलिगासिनो दं । दावहानि गेजेरव, गाजायाव थाग्रा फिलिस्ताइननि सुबुंफोरनि जिउआ दुखु-दाहाजों भुगिनांगासिनो दड । बेराफारसेथिं फिलिस्ताइननि हादतगिरिया हादतआव सासे गोदान गाहाइ मन्थ्रि थिसन्दों । फिलिस्ताइननि हादतगिरिया महाम्मद मुस्ताफाखौ गाहाइ मन्थ्रि महरै थिसन्दों । खौरनिफ्राय मिबथिनो मोन्नाय बायदिब्ला, फिलिस्ताइननि हादतगिरि महम्मद आब्लासआ फिलिस्ताननि बिबानगिरिखौ फोसाबनो थाखाय आमेरिकानि नारसिन्नायखौ नोजेर होनानै गावनि गोबाव समनि रांखांनिथयारि बोसोनगिरि

महम्मद आब्लासनि खाथि हेफाजाबगिरि महाम्मद मुस्ताफानि दैदेन्यायव मोनसे गोदान केबिनेट दानाया फोसावनायनि थाखाय आमेरिकानि दाबिफोरखौ आबु खालामनो हागोन ना हाया मानोना खुंथाया गोबाडे'नो हादतगिरि महम्मद आब्लासनि सामलायनायनि सिडव थागोन ।

साइट जौगाजा हाबाजों सोमोन्दो गोनां मॉब्लिबारि खामानिफोर

देखर नदिस नं: एच.एल./23/23-24 । गाहाय होनाय खामानिनि थाखाव गाहायव सानन होनाय सुबुंफोरनो इ-देखरफेरेखौ लोंहावहनाय जको । फारि नं: 1; देखर नं: एच.एल./23/23-24; खामानि मुं: निड कन्वैरिआव चाइ-लेबे हाहुअरि खारनि मिनि थाखाव जाग्या । फोसहायव देखाइने बेनेम: 1,01,27,796.70; अधिम नं: 2,00,600.00 । इ-देखाआ 15:00 रिनायव बन्द जागोन । 05-04-2024 आव अहरी 05-04-2024 खालि 15:30 रिनायव बेकेवनाय जागोन । डिआरएम/इलेक्ट्रिकआव (बि),आलिपुरदुधार जंसेनि माख' । गोजीअव फेलेयवयइ-देखरनि देखर बिलाडों लोंगेसे आबु फोरसायथिखौ वेवसाइट www.ireps.gov.in आव मोननो हागोन ।

डिआरएम,एलेक्ट्रिक (बि),आलिपुरदुधार जंसेन

सा-सान्जा सिमा रेलवे

"मिन्ट्ल्यावजों थिडफोरनि सिबिवाइ"

हमिय 'पेथिक कनसालटेन्चिनि

नदिस नं. 01/2024 अक्ट: 12-03-2024

रेलवे देश परवहासनि, निर बंगारुवा, एच.एच. रेलवेआव रिक्तायव विधायव (पार्ट टाय) हमिय 'पेथिक कनसालटेन्चिनि 1) (मोन्से) गारिखौ आबु खालामनो थाखाय "बक-इन-इन्टरसिड" खालामनो निरिथव लानाय जादों ।गाहायव सख'पय सोदोव आरो सयफोर:

गोनांवार (1) बवेवा गनयवनायव मॉकेलर कलेजिन्नाय थि.एडुए.एच.एच. आरो गोनांवार इन्टरसिड (2) लुबैकवय रोंमोन्दाथिखौ आबु खालामनय - नै चोसोर एवा बेनि बांनिन । बेसो रिमा- 35 चोसोररिमा (5 चोसोररिमा थयायव इहाव चोबानाव) ।खालार, सम, मोना-मोनि थयनि 08-04-2024, 10:30 रिमा ।सेन्ट्रल इन्डियाव, मालियाव, एच.एच.एच. रेलवेआव । बेनि गुरे फोरसायथिखौ वेवसाइट www.indianrailways.gov.in आव मोननो हागोन ।

Google Link: <https://forms.gle/bpjt6fnK23W3eFz>

जेनेरेल मेनेजार (पि), मालियाव

सा-सान्जा सिमा रेलवे

"मिन्ट्ल्यावजों थिडफोरनि सिबिवाइ"

सिएएचओ होबथानो आर'जलाइ गथाइनायनि सायाव सुप्रिम कर्टआ हियारि होदो

गोदान दिल्ली, 15 मार्च : सुप्रिम कर्टआ सिएएचओ थिसन्याय आर'जलाइफोरनि सायाव फेगौ मंगलबाराव हियारि होगोन। भारतनि गाहाइ बिजिरगिरि (सिजिआइ) आ बुंदोदि, सिएएचओ हेंथायै सुप्रिम कर्टआव गासै मोन 192 अजदलाइ थिसन्याय दद; जायफोरखौ हियारि होनाय जायाखै। बेनिखायनो गासैबो अजदलाइनि सायाव खेबसेनो हियारि होनायनि बिथोन होनाय जादो। इन्डियन इउनियन मुस्लिम लिग, युट फेडरेशन अफ इन्डिया, आसाम कंग्रेसनि दैदेनगिरि डेबब्रथ सइकिया आरो आसामनि फसंथान एजेवाइसिपिनि फारसेनिफ्राय अजदलाइ थिसन्याय सिएए नटिफिकेशननि सायाव होबथानो दाबि दैखानाय जादो। इन्डियन इउनियन मुस्लिम लिग (आइइएमएल) जौ लोगोसे गासैबो अजदलाइ होग्राफोर बिथोनमानि हाबाफारिखौ दोन्थ'नायनि दाबि दैखानो। बेफोर



आर'जलाइआव बुंदोदि, सिएएआ संबिजिरारि नडे, मुसलमानफोरनि हेंथायै फारगथि गोनां आखु दिन्थिनय जादो। सिएएचओ सायाव संबिजिरारि बेन्चनि खाथियाव हियारि होनाय समाव कापिल सिब्ललआ बुंदोदि, बै समाव सरकार बेखौ गोहोम गोनां

खालामनाथ'नाय नडा होना बुनायाव बिजिरसालिया हियारि होयाखैमोन। आथिखालाव बे बिथोनमाया गोहोम गोनां खालामजाबाय। बेनिखायनो गोखै हियारिखौ जागायनासिगो। सलिसिटर जेनेरेल टुसार मेहताया बुंदोदि, बिसायख'थिनि सिगां बिथोनमानि सायाव बिदान्थे

खालामनाथ ओंथि गैया। बेयो संबिजिरारि के स। मख'जाथावदि, बावैसो सिगां मिरुनि नख'र मन्थि अमित शाहआ सिएएखौ लानानै बेरेखा दोलोफोरा फोसावनाय जेना गोनां बिबुंथिफोरखौ लानानै गोखौ खेंफोरथि होदोमोन। बिथाडा एनआरसि आरो सिएएजौ जेबो लोब्बा गैलाया होना बुंदोमोन आरो गावसोर माल्लाबाबो सिएएखौ

हादतगिरि मुर्मुआ 30 मार्चआव भारत रत्न बान्था गथाइगोन

बोखारनाथ नडा होनाबो बुंदोमोन। मानोना बेयो रिपिउजिफोरनो बिजिरनाय होनायनि आयदा होनानै मोगा-मोगियाव सौनायनि फिन्नाय होदोमोन। दिल्लीनि गिबि मन्थि केजरिवालआ सिएएचओ सायाव सौंथि दैखानानै हादतआव सिएएचओ गेजेरजौ बायजोनि सुबुंफोर हाबफेगोन सिखाव खावनायजौ लोगोसे जिनाहारि बायदि गोब्राब जाथायफोरा बांगोन, हादतनि आंगो सुबुंफोरनि साखि आरो खाबुफोय बिसोरजौ सेख'जागोन होना बुनाय बिबुंथिनि सायाव अमित शाहआ फिन्नाय होदो। मिरुनि मन्थिखौ दिल्लीनि गिबि मन्थिखौ स्वामी नाटनखौ भारत रत्नजौ मान बाउजो थि खालामनाथ जादोमोन। सुलुनि बायदिब्ला, बान्था रत्नाय हाबाफारिया 30 मार्चखालि राष्ट्रपति भवनआव 11 सिगानिफ्राय जागायगोन। बेवहायनो भारत रत्ननि मेडल आरो फोरमान बिलाइखौ बान्था देरहासारिगिरिफोरनो एबा बिसोरनि नख'रनो गथाइनाय

गोदान दिल्ली, 15 मार्च : हादतगिरि द्रौपति मुर्मुआ फेगौ 30 मार्चआव गुबुन गुबुन फोथाराव हादतनि थाखाय मख'जाथाव बिहोमा होनाय। सुबुंफोरनो भारत रत्न बान्था गथाइगोन। मिरु सरकार बिजेपनि गागि दैदेनगिरि लाल कृष्ण आडवाणी, बारा'गाहाइ मन्थि पि भि नरसिंह राव, बिहारनि बारा' गिबि मन्थि कपुरी, बारा' गाहाइ मन्थि आरो आबादारि दैदेनगिरि चौधुरी चरण सिंह आरो आबाद जांखिथाइनि दैदेनगिरि एमएस दिल्लीनि गिबि मन्थिखौ मान बाउजो थि खालामनाथ जादोमोन। सुलुनि बायदिब्ला, बान्था रत्नाय हाबाफारिया 30 मार्चखालि राष्ट्रपति भवनआव 11 सिगानिफ्राय जागायगोन। बेवहायनो भारत रत्ननि मेडल आरो फोरमान बिलाइखौ बान्था देरहासारिगिरिफोरनो एबा बिसोरनि नख'रनो गथाइनाय



जागोन। फारसेथि बारा' लेडाइ गाहाइ मन्थि लाल कृष्ण आडवाणीनि सावसिखौ नोजोर होनानै राष्ट्रपति भवनआव खुंनो गोनां हाबाफारियाव बिथानि नुजाथिनो हागोनआ गोजान होना हमदोनाय जादो। बिथाडा नुजाथिनो हायाब्ला नख'रनि सोद्रोमानो बान्थाखौ गथाइनाय जागोन। राम जोनोम हा सोमावसारनायनि गोखौ दिन्थिफुं गिरि लाल कृष्ण आडवाणी, सोमावसारनायनि गाहाइ कपुरी ठाकुर, रांखांथि सोलायहोनायनि गेजेरजौ

भारतनि जौगाखानायनि मुगाखौ सोलायहोना हानाय नरसिंह राव आरो आबादारिफोरनि बयनिखुइबो देरसिन दैदेनगिरि चौधुरी चरण सिंह आरो आबादारिफोरनि गोखौ लामा दिन्थिगिरि आरो भारतखौ आदारनि बिथिडाव गावनि आइथिडाव गसंथानो हानाय खालामनायाव गाहाइ बिफाव लानाय स्वामीनाटननो लक सभा बिसायख'नि सिगां भारत रत्न मान बाउनायखौ फोसावनाय थांखिखौ मदि सरकारनि राजखांथियायि मास्तार स्ट्रक होना गनायनाय जादो।

समालियानि उतरवारि अल शबाबआ गंसे हटेलआव बमा होदो

मगाडिसु, 15 मार्च : आफ्रिकान हादत समालियानि राजथावनियाव थानाय गंसे हटेलआव गिखंथाव बेरफुनाय जाथाय सोमजिदो। खौरनि बायदिब्ला हटेलआव बेरफुनाय जाथायनि बिबानखौ मोनसे उतरखारि आफादआ लादो। समालियानि राजथावनि मगाडिसुआव बृहस्पतिबाराखालि मोनायाव गिदिर बमा बेरफुनाय आरो गुलि गावनायनि सोदोब खानानो मोन्दो। गंसे हटेलआव सोमजिनाय बे जाथायनि बिबानखौ उतरखारि हान्जा अल शबाबआ लादो। उतरखारि आफादआ गावनि टेलिग्राम चेनेलआव फोरमायदोदि, गावसोरनि दावहारफोरा मगाडिसुआव गोखौ रैखाथि गोनां हादतगिरि न'नि साखाथियाव थानाय एसवाइएल हटेलआव हाबनानै गावसोरनि थांखिखौ जाफुहोदो। बे हटेलआ सरकारनि बिबानगिरिफोरनि रैखाथि



एबा सिकिउरिबो मोनो हानाय। नाथाय बे जाथायाव जोखोम जानाय आरो ख'हा जानायनि बागै रोखा खौर मोनो हानाय जायाखै। मख'जाथावदि, समालियानि राजथावनियावो बावैसो सिगांनि सप्ताहायव रैखाथिखौ बांहोनायनि जाहोनाव गागलोबनाय जाथायफोरा दावखलायदोमोन। समालियानि

जुथाइ सरकारखौ अजद होग्रा अल शबाब हान्जाया थानाय माखासे बोसोरनिफ्रायनो हटेल आरो गुबुन जायागोराव गोबां गिखंथाव रोखोमै गागलोबोदो। 2022 आव मगाडिसुआव मोनसे गिदिर गागलोबनाय जाथाय जादोमोन। कारआव बमा बेरफुनाय बे जाथायाव सा 120 नोगोरारिफोरनि जिउ गोमादोमोन।

गोदान दिल्ली, 15 मार्च : भारतनि गोहोआ सानफा एबा बांबोबाय थानायखौ गासै मुलुगाव नुगासिनो दडा रैखाथि बिथिडाव भारतआ गावनि गोहोखो गोजौ थाखोसिम लांगासिनो। बावैसो सिगां भारतआ आबुडै हादतआव बानायनाय अग्नि-5 मिसाइलखौ आन्जाद नायदो। बे मिसाइलनि गोहोखौ गासै मुलुगावनो गोखौ होनाबो गनायदो। फारसेथि गिखंथाव मिसाइल आन्जाद नायनायनि खौरजौ न'सुंसे हादत पाकिस्तानआव गिखांदो।



भारतनि जाफुसारनायखौ लानानै पाकिस्तानआ खालायदोदि, आन्जादनि सिगां खेबसे सिगांनि थि खालामनाय समायसिमाखौ फालियोब्ला मोजां जागोमोन। अग्नि-5 मिसाइलनि गोहोखौ नुगानै गिखंथानयजौ पाकिस्तानआ भारतनिसिम बेबायदि आर'ज

गावदो। भारतनि अग्नि-5 मिसाइलआ माखासे गुन्द्रासा हाथियारफोरखौ लोगोआव लांनो हानाय गोहो दद। बे मिसाइलखौ आन्जाद नायनायनि बागै मोनसे सौंथि सौनायाव पाकिस्तान गुबुन हादतयारि मावख'नि बुंथिगिरि


मुमताज जहर बलुसआ बुंदोदि, इस्लामाबादआ 11 मार्चआव भारतनि मिसाइल आन्जाद नायनायखौ नोजोर लादो। जेब्ला भारतआ पाकिस्तानजौ बेनि बागै सिगांखवनो खौरं शैयार खालाम खादोमोन। बिथाडा बुंदोदि, अदेबानि भारतआ बेलेस्टिक दंजायो।

मिसाइलनि आन्जादनि सिगां खौरनि सायाव रदायनि आर्टिकल 2 आव थि खालामनाय सांथामनि समाय-सिमाखौ मानियाखै। बलुसआ बुंदोदि, गावसोरनि बायदिब्ला, आगुनि खौरनि सायाव रदायनि दफाफोरखौ मानिना सोलिनांगो। थानाय समबाराव भारतआ गावनि मिशन दिव्यास्ट्रनि गेजेरजौ माखासे हाथियारफोरखौ लांनो हानाय आबुडै हादतआवनो बानायनाय आरो जौगाहोनाय अग्नि-5 मिसाइलखौ गिबियै आन्जाद नायदो आरो जाफुसार जादो। बेजौ लोगोसेनो भारतआ ओरैबायदि गोहो गोरा हायख'जानाय हादतफोरनि हान्जायाव थाफानो हाबाय, जायफोरा गोखौ आरो गोहो गोरासिन हाथियार दंजायो।

रसियाआव हादतगिरि बिसायख'थिया जागायजेनबाय

मस्क', 15 मार्च : रसियाआव हादतगिरि बिसायख'थिया दिनैनिफ्राय जागायबाय। बेनि गेजेरावनो मोनसे गिदिर आसा सिखांदोदि, हादतगिरि पुटिनआनो फिन हादतनि बाथि खेब हादतगिरि सायख'जागोनो रोखा। मानोना बिथानजौ गोखौ बादायारि रावबो बिजाथिफोरखौ नुनो मोनानाय जायाखै। अदेबानि पुतिननि बेरेखायै गसंनाय एलेक्सि नबालानीया बावैसो सान सिगां जिउ गोमाबाय। बिथानि हेफाजाबगिरिफोरा पुतिननि हेंथायै भट होनो थाखाय हादतनि नोगोरारिफोरखौ खावलायदो। मख'जाथावदि, 2 बोसोर सिगांनिफ्रायनो इडक्रेनजौ दावहा सोलिबाय थानायनि गेजेराव रसियाआव हादतगिरि

बिसायख'थि खुंजादो आरो बेवहाय हादतगिरि पुतिननि अनगायै गुबुन रावबो बादायारि गसंनायखौ नुनो मोनाखै। दिनैनिफ्राय जागायनाय हादतगिरि बिसायख'थिया सांथाम थामहिनबा 17 मार्चसिम सोलिगोन। बेनि गेजेराव पुतिनआनो हादतगिरि बिबानआव फेफिनगोन होना गनायथिनायबो जादो। बृहस्पतिबाराखालि पुतिनआ मोनसे भिडिअ खौरां फोसावनानै रसियानि नोगोरारिफोरखौ भट सोग्रा मिरुआव थानो आरो भट होनो बयखौबो खावलायदो। 71 बोसोर बैसोनि पुतिनआ बे खेबनि बिसायख'थियाव



देरहाबावोब्ला 5 थि खेब हादतगिरि जागोन। पुतिननि गोखौ अजद होगिरि आरो बेरेखा बादायारि होना गनायजानाय एलेक्सि नबालानीया बावैसो

सिगां जोबथेसालियावनो जिउ गोमादोमोन। रसियाआव सांथामनि गेजेराव 1 लाख भट मिरुफोराव भट सोनाय जागोन।

दालां आरो बान्तेनि रैखाथि

इ-डेव्हा फोरसावथाय नं: 115-इएनएच-आरएनए-2023-24। गाहायव फोरसावथाय थानानि सायाव मुसुयनिफोरा इ-डेव्हा हंथावहदो। आइएएमएनिसुद' फोरसावथाय: रडिया डिभिजननि डिप्टर/11/डिभिनि सिबल थानाय गोरिपु-एथ्यापु आसाम खोन्डोआव दालां आरो बान्तेनि (गासै- नं 50 दालां) रैखाथि थामनि। डिप्टरनि बेसेन: 4,67,98,472.42 रं। अगिम नं: 3,84,000/- रं। इ-डेव्हाअव बन्द जागोन 03-04-2024 अस्ट नि 15:00 सिग्याव आरो बेरेख जागोन डिभिजननि वेबे सामन्तगिरि (आकंस), सा-सांजा सिमना रेलवे, रडियानि मावकुलियव 03-04-2024 अस्ट नि 15:00 सिग्याव। बांदिने थिथिनो थाखाव www.ireps.gov.in केवसस्ट आन नावदो।

डिआएएम (आकंस), रडिया सा-सांजा सिमना रेलवे सिबिलिये प्राक्फेनिनिम सिबियाव

रडिया डिभिजन एनसि गेटनि इन्टरलवकि

डेव्हा फोरसावथाय नं: आरएन-एस्टि-27-2023-24, अस्ट: 12-03-2024। गाहायव फोरसावथाय थानानि सायाव मुसुयनिफोरा इ-डेव्हा हंथावहदो। डिप्टर फोरसावथाय नं: आरएन-एस्टि-27-2023-24। आरएनिसुद' रडिया डिभिजननि विन-11। दालांन नं 2 एनसि गेट (आरएन-34 अगिम-190) नि इन्टरलवकि। डिप्टरनि बेसेन: 62,57,197.12 रं। अगिम नं: 1,25,200/- रं। डिप्टर बन्द जागोन अस्ट' आरो अगिम: 05-04-2024 नि 15:00 सिग्याव आरो बेरेखजागोन 15:30 सिग्याव। बांदिने थिथिनो थाखाव www.ireps.gov.in केवसस्ट आन नावदो।

डिआएएम (आकंस), रडिया सा-सांजा सिमना रेलवे सिबिलिये प्राक्फेनिनिम सिबियाव

No. DOE/BTC/Samagra Shiksha/17/2023-24/ Dated Kokrajhar, the 15th March' 2024

PRESS NOTICE (e-Procurement)

The Director of Education, BTC, Kokrajhar invites bids on behalf of Governor of Assam for 2 (Two) nos. of work under Baksa and Kokrajhar Rs. 8,38,50,000 (Rupees Eight Crore Thirty Eight Lakh Fifty Thousand) only from registered contractors of Class-I (A,B,C) Class-II category of Assam PWD (Building). BTC.

Details may be seen at website <http://assamtenders.gov.in> and also in the office of the undersigned during office hours.

Sd/-
J.P. Brahma (AES)
Director, Education, BTC,
Kokrajhar.

[IPR\(BTC\)-2023-24/1555](http://IPR(BTC)-2023-24/1555)

No. KOK/MS/Furniture/18/2024/A-2 Dtd. 15/03/2024

NOTICE INVITING TENDER (NIT)

SEALED LENDER AFFIXING NON-REFUNDABLE COURT FEE STAMP OF Rs.8.25 (Rupees Eight and Twenty-Five Paisa) only are invited from registered Manufacturer/supplier/vendor/firm for Procurement of school furniture for Adarsha Vidyalaya(MS), Titaguri, Kokrajhar for the new academic session. The tender/application will be received by the Office of the Principal Adarsha Vidyalaya(MS), Titaguri, Kokrajhar through Tender Box from 12/03/2024 to 19/03/2024 during office hours i.e. from 10:00 AM to 3:00 PM and will be opened at 3:30 PM on 19/03/2024 in the presence of the vendors/bidders or their authorized agents. If the last date of submission/opening is to be a holiday then the next working day will be treated as submission/opening day. The tender documents for detail list of items, specifications of school furniture along with terms & conditions for "Procurement of school furniture" will be obtained from school premises during office hours i.e. from 10:00 AM to 3:00 PM.

Sd/-
Principal Adarsha Vidyalaya(MS),
Titaguri, Kokrajhar

[IPR\(BTC\)-2023-24/1554](http://IPR(BTC)-2023-24/1554)

ENGAGEMENT UNDER SAMAGRA SHIKSHA AXOM

No. SSA/Esst/Engagement/Consultant (MIS)/685/2023/11046

The Samagra Shiksha, Axom invites online applications from Indian Citizens (as defined in Articles 5 to 8 of the Constitution of India) for the under mentioned position under Samagra Shiksha, Axom on contractual basis. The online applications will be received from 17.03.2024 to 27.03.2024. The posts are temporary in nature and the selected candidates will be initially engaged for a period of 11 (eleven) months only. The contractual engagement will neither be regularized under Samagra Shiksha, Axom nor will be absorbed under any job/programme of Government of Assam in future and no person (s) so engaged shall have any right (s) to claim for permanent abortion in any post (s) in the government or in the Samagra Shiksha, Assam.

Age for categories of post: The candidate should not be less than 18 years of age and not more than 62 years of age as on 01-01-2024. The age limit of the candidates will be calculated on the basis of the Matriculation/HSLC Admit Card or Pass Certificate issued by a recognized Board/Council and no other document shall be accepted in lieu of the mentioned documents.

Sl No	Name of the Post	Essential Qualification and Experience	Pay in Pay Band in Rs.	Grade Pay in Rs.	No. of Post	Place
1	Consultant (MIS)	Essential qualification 1 st Class BE/B.Tech in Computer Science/ Electronics/Information Technology or 1 st Class MCA from Institutions recognized by AICTE and recognised university. Essential Experience Minimum 03 (three) years of Data analysis / data visualization Essential skill set: • Database - Oracle / Microsoft SQL Server/ MongoDB/ PostgreSQL/ MySQL • Any scripting language Desirable skill set: • Power BI • Tableau • Open source data analysis tools.	30000/- to 110000/-	12700/-	01	State Mission Office

N.B.-

- The link of the recruitment portal will be available in the Samagra Shiksha website <https://ssa.assam.gov.in>
- Read the User Guidelines carefully which is available on the recruitment portal on how to submit the online application form.
- Claims for any correction will not be entertained after submitting the online registration and online application.
- Before filling the on-line application, applicant has to go through the User Guidelines for online registration and online application.
- Candidate must upload the supporting document of educational qualification, experience and others through portal.
- Only eligible candidates will have to appear in test/interview, the exact date of which will be communicated separately.
- A candidate must be in good mental and bodily health and free from any physical defect likely to interfere with the efficient discharge of his/her duties as an Officer of the service.
- The exact date & time of the Test/ Interview will be communicated to the shortlisted candidates separately.
- Marking pattern will be on General Awareness, Personality & Aptitude, Subject matter in relevant field, Relevant Experience, etc. for the post. The applicant has to obtain minimum 50% of the total marks on the above in the interview and only then the candidates will be short-listed.
- The office will not be responsible for any non submission of online application due to any error or other problem.
- The decision of the Selection Committee in all aspects and all respects pertaining to the application and its acceptance or rejection as the case may be, conduct of test and at all consequent stages concluding in the selection or otherwise of any candidate shall be final in all respects and binding on all concerned. The Mission also reserves its right to alter and modify time and conditions laid down in the notification for conducting the various stages up to selection or withdraw the Notification at any time, duly intimating details thereof to all concerned, as warranted by any unforeseen circumstances arising during the course of this process, or as deemed necessary by the Mission at any stage.

Sd/-Mission Director,
Samagra Shiksha Axom
Kahilipara, Guwahati-19

Janasanyog/DF/3115/23/16-Mar-24

मुलुगनि बयनिखुइबो बांसिन डिग्रि लानाय आरो लेखा गोरोंसिन सुबुडा सोर मिबथिगौ ना ?

आथिखालाव लिरनाय फरायनायखौनो मोनफ्रोमबो नख'राव बांसिन नोजोर होसै आरो दरफ्रोमबो हादतआवबो बेनि सायाव नोजोर होसै । साफ्रोमबो गथ 'फोरखौ उन्दैनिफ्रायनो लिरनो फरायनो बोसोन होनाय जायो । बेबायदि बोसोनखौ ग्रिक हादतनि सासे सुबुडा औरैबायदि गोथौयै लादोंदि, बियो मुलुगनि बयनिखुइबो लेखा गोरोंसिन सुबुं जानो हादों । वृटिस नोगोरारि निकलाअसआ सासे मुंदांखा संदानगिरि आरो फोरोंगिरिबो । बियो मुलुगनि गेजेववो बयनिखुइबो लेखा गोरोंसिन सुबुं । बुंनय जायोदि, सोलोंथाइया सुबुंफोरनो गियान आरो सोलोंथाइ होयो । सोलोंथाइनि ऑथिया



गियानल' नडा क्वालिकेशनबो होयो, जाय बिनि थाखाय बिथा जानानै फैयो । बिजाबफोरव जिउनि गियानफोर हाबनानै थायो नाथाय सुबुंनि डिग्रिया बिनि पारसनेलिटिया मा बायदि आरो बेयो बबेसिम फरायदों बेखौ दिन्थियो । जिउआव थानानै थानो थाखाय साखि एबा खामानि मावनो हानायनि थाखाय डिग्रि पास



खालामनाया थारैनो सोलोंथाइनि डिग्रि लानायनिल' गोरोंथि जायो । डिग्रि लानायनि बिथिडव निकलाअसआ मुलुगनि बयनिखुइबो बांसिन सोलोंथाइ लानाय सुबुं होन्ना सिनायथि जायो । बियो पाब्लिक हेल्थ, फाहामथाइ फसंथान आरो सोलोंथाइ बे मोन्थामबो फोथारव खामानि मावनो आरो बिथानि मुडव गोबां जाफुंसारनायनि बिमुं दड । निकलाअसआ मोन 7 इडनिभासिडिनि डिग्रि दड, जाय डक्टेरटि डिग्रिजों समान । बेनि अनगायै बिहा मोन्थाम डक्टेरट डिग्रिफोरबो दड । फारसेथिं मोन 7 बिगियानारि फसंथानफोरव सोलोंथाइ होनायजोंबो लोव्वा दड आरो साइन्स अर्गानाइजनिबो बिथाड सोद्रोमा जानो हादों । निकलाअसआ हार्टबार इडनिभासिडि आरो पेरिस इडनिभासिडि बायदि मुंदांखा इडनिभासिडिनिफ्राय मोन 5 मास्टर डिग्रिबो दड । साइकल'जि आरो पाब्लिक हेल्थआव पिएइचडिनि अनगायै बार्टवार मेडिकल स्कुल बायदि मुंदांखा फसंथानफोरनिफ्रायबो डिग्रि लानो हादों ।

नों अनजालिखौ

नों अनजालिखौ गोसो

खानानै लिरदोंमोन आं

गांसे लाइजाम --- ।

नाथाय मा खालामनो अनजालि

गोसो गोबोंनि लाइजामखौ

आं बहा दोनो बहा मानो जायो

नोंखौ नुबानो अनजालि गोसो

गोबोंनि खोथा बुंनो सानो

बुंनो हाया मानोबा खुगा

सिंनिफ्राय रावआनो फैया अनजालि ।

नाथाय गोसो खानानै लिरोमोन आं

खन्थाय एबा सल' नाथाय हबा

मोननो अनजालि

आरो माबोरै फोरमायनो हानो

आं अनजालि नोंखौ मोजां मोनो आं

गोरबो बिखाजों बुंदोल' नों आंखौ

मोजां मोनोना मोना ।

नों अनजालिखौ मोनो हास्थायबाय

थायो आं अरायबो गोसो गोबोंआवनो

थाबाय थाथोंसै अनजालि ।

मुस्त्रि जलिसन मसाहारि

गामि: उजान पारा

दुलाराय मुलुगानो मोनसे माया लैथो

दुलाराय मुलुगानो मोनसे माया लैथो ।

गासैबो बेनि बादायसुला-बादायसुलिबोल' ।

बेनि उनाव जेन्नाय देरहानायनि देंखो बोयो,

गिबियाव देहा सोलेरा जिउमानि गंसे रौरोथोन बायदि,

बेनिफ्राय बेयो मोब्लिब बादि गासै अंगफोरखौ देंदेनो,

गाबनाय-मिननाय, जाफुंनय जाफुंडे, दुखु-दाहा, हांमा-हांसा,

लुबैनाय हास्थायनाय, मोन्नाय-गोमानाय बेफोर गासै

बेनि मोनफा-मोनफा लामाबोल'

सोलायनाया बिनि मोनसे गोखैथि आरो

गुस्लायनाया बिनि मोनसे महरबोल'

आरो समा जौनि डिजेल-पेट्रलफोर बायदि ।

थोबसे बेलुनखौ गोजौनि बारव हगारसारना होनाय बायदि,

आजिकालि बुहुम बिखायाव सुबुडा जोबथाय गैये

माबा मोनसे नागिरो

बिनि उनाव अनजालिनि फासं गोसो मोनसेये थाडे,

गियान गोमाना जायो, सासे लाजि गैये

संसार बिनि हाजोबादि गोजौ जौबोयो

जेव्वाइबो खोनायो गोबां खंखलानि देंखो ।

दा दावबायलाडे मिजिड मोनहासयै बेसेबा गोजानाव ।

बि थालाडे हामानि देरायाव

बिनि मोनसे समनि गोखौ गोखैथि, रौरोथोना

दोने जोबथि फारियाव मंनयजों सिमान लाफैयो ।

बिनि रौरोथोन सालाइगिरिया दा गोदान रौरोथोन नागिरनो थांबाय

बै दिननिफ्रायनो समाइना बुहुम बिखानिफ्राय बिनि सिनायथिया

जोबनानै थाडे,

दा फैबावो बिनि मोनसे गोदान सिनायथि ।

मुस्त्रि सोमदोम गयारी

गामि: बेथगागामि

जिल्ला: कक्राझार

रंजालि गथ'फोरनि सौरा

'फागुना आंखौ लोगो हमफै खालि'

जामब्रिनाय आंनि गोबोंआव
गोदान बिथ'राइ खिलिफैदोंमोन ?
फागुना आंखौ लोगो हमफै खालि,
आंनि लांगोनानि सोमब्लि बिबाराबो
समायनायै बाररलांदोंमोन...

गोजा जारौ जाहाबनाय
सोमब्लि आरो मान्दार बिबारनि
महरखौ नुना, आंनि गोबोंआ
बोदोर जादोंमोन... अनजालिखौ
खाथियाव लाना
देरलाय फागुनावनो अनजालिनि आंनि
जुलिनि रादाय खानो !

दाउ खौओआ गाबजेनो हमबाय
अनजालि फागुनाबो थांफिचो ?
ओंखारबाय..

गोबोंआ आंनि मानोबा हांखुर
फागुन थानो ओंखारनायाव,
फागुना आंखौ लोगो हमफै नायाव
गुन अर'नाय आंनि सानबोलावरियाव
सुजुजानाय जिउनि गोदान सिमांखौ
मोगथाडव जाफुं होनो...
आरो देरलाय फागुनाव नडब्लाबो
फैगौ बैसागुआव
अनजालिनि आंनि, जुलिनि रादाय
खानो ।।

-आलेरा बर'
लखिचि, सनितपुर

टेद्राकटिस खथाइ

जाय
बादि
मानसिया
रागा गोनां
बिखौ सिनायो खाफालाव नायना

जाय
बादि
मानसिया
बादुलाथार
बिखौ सिनायो हाबाखौ नायना

जाय
बादि
मानसिया
माहि जागोन
बिखौ सिनायै महरखौ नुना

जाय
बादि
मानसिया
गियान गोनां
बिखौ सिनायो आसारखौ नुना

-रैदोम बर',
माजदिया, बगुलामारि,
बाक्स

रैसुमै मेथाय

नोंनि रैसुमै गारां खबामा

बेसे मिलौहाब सना ।

मिथिगानि दावसिन-दावलाफ्रा

उसाव-बादाव जाखाडे ।

दिनै आंबो बोदोर बावलि जाबाय

नोंनि रैसुमै गारांआव''

एसेबां समायना एसेबां रमायना

नोंनि महरआवो ।

आंनि गोसोखौ जावलिना खालामबाय

मेथायनि देंखोजों,

मा जादों नोंहा मा मादों

दुखुनि मेथायजों गावनि जिउ जारिमिनखौ

बेखेवदों नामा फारि-फारि गावनि जिउखौ ।

मानि थाखाय बिदि मेथाय खनबायदों

नों सना, आं मिथियाखैमोन,

नोंनि दुखुनि मेथायखौ ।

मुस्त्रि थनिजा ब्रह्म

गामि: डालवाबारि

जिल्ला: कक्राझार

फागुननि खौरां

बोथोर गोदानखौ बरायग्रा
फागुननि आजोलि बारआ
लाबोयो गले-गले खौरां बैसागनि ।

सिव-सिव बारनाय बाराबोदि
बोदोर जाहोयो आजोला गोसोखौ
बैसाग रजेखौ लोगो मोनफिनगोननि इसारा होफैना ।

फुनि रैदुब निहोरजों बिलिरजाना
गाब जाहाबहोनाय सोमलि बिबाराबो
बोदोर खालामो दावसिननि मेरुनाय गोरबोखौ ।

गोरान बिलाय फिसिना होनाई
गोदानखौ बरायनो रादाव दैथायहरनाय
फागुननि आजोलि बारनि मादि महिमा,

लाबोबाय खौरां फागुना बारनाय बारजों
बारदैसिखलाया बे खेबावबो फैगोन फिसायजों
बिमानि न'आव आलासि जानो बोथिसे थेब्रे ।

गोजोन जागोन रानजिनाय बुहुम बिखा
फागुननि बारजों बिलिरजाना
रंजाखंगोन गोरान बिफांनि बोराय देहा ।

नों फैबोला फागुन लाबोफा खौरां बैसागनि
होफै आनो खौरां बैसागनि
लाबोफा गोदैं अननाय बिनि आंनोबो ।

-कुमार बसुमतारि
लखिमपुर

इउटुबार बिहामजो

बिखुनजो रानिया सानदोंमोन

बिहामजोखौ लोखि जागोन होनना,

न'खरनि गासिखौबो मान होगोन होनना

गैयामोन लोखि बिहामजोआ मबाइल

बिखुनजो रानिनि अनसुला

फिसाज्जलाया होफैबाय बिनो

गोदान I Phone ।

बिखुनजो रानियालाय बहाथो

हमथा हालायखो

दिनै एफा गाबोन एफा

सोलोंबाय बिबो

Social Media नि Queen जानो,

एखनबा फानथाव फुनथाव सि

गानना गावनि गोसोम बिगुरखौ

Photo साफायना Instagram Facebook आव

आफल'द होसै,

संग्राफाबो बिनोसो Like हरसो गारो ।

सोलोंबाय बिबो Hello

Guys होत्रो

फुनिफ्राय मोनाजासिम

सेलफि स्टिक लानाल'

गिदिंबाय थसै,

बिखुनजो रानिया गोसो सिआवल'

मोथो मोथो रागा जोंखुमासै ।

फिसाइआथ' गावनि दाहोनासो

बैनांबाय,

सिबाय बिखुनजोआ

खाफाल बुयै बुयै

गाबबाय बायसै ।

मोना नंआ मोनो गुरलाबखौबो

नाथाइ

गावनि देलायग्रा जिनिन

बायनानैसो फोजोबो,

सिरि सिरि सोरजोंबासो

लाइन लासै बिखुनजो रानिनि

इउटुबार बिहामजोआ ।।

यै जारौ

यै जारौ,

यै स'ना ?

नोंदि आंखौ मानो नाया नाया,

नोंदि आंजों मानो एरा एरा ?

नों आंखौ नायाब्लाबो आं नोंखौ रागा जोड ।

नोमा नोम्फायनो आंखौ जावयैसो लेंखायो,

नोंदा मोनहाबो खौ बिबोनां लेंखायो,

होनब्ला मानोथो नों आंखौ रागा जोंखो स'ना ?

गखाया नों आंनि हिन्जाव जायाब्ला ।

नोमा नोम्फाखौ आंबो आइ आफा लेंखाबाय,

नोंदा मोनखौबो आंबो गुमै लेंखाबाय,

होनबा बबावयो बारग'बावनो नों स'ना ?

नों आंजों हाबा जायाब्ला ।

मुस्त्रि रनजय नार्जारी

गामि- बिसमुरी करफाफारा

ला:सो: बिसमुरी

-मिनिका गयारि
गहफु, गोदान
केलहावसि

ग्लेमारगल

बे सिख्वाया सोर आरो बबेयाव जोनोम
सिरि-सिरि आंनि गोसोआ फागोला ।
रिजि-रिजि गुरै ददेंरे आखायाव बिनि
मिहिन्दि,
हायद्रजों गाब गानाय खानाय बिनि गुसुं
बेलासि बायदि फारनै खावलाय, नारेंसु
गन्थं ।

ग्लेमार, रमान्टिक सिख्वा आजोलि
गाननाय बिनि जिन्स, स्कर्ट, हाइटपेटि,
सुरिदार ग्लेमार ।

बे सिख्वाखौ नै बाजियाव नुजेनबाय आं,

थाम बाजियाव लोगो मोनज्जायबाय

ब्रै बाजियाव एसे,एसे गोसो थोबाय ।

बा बाजियाव गोसो थोबाय मोथो,मोथो,

मिथिगायालाय मा खालामनो हानो ?

नों आंनि थाखायनो मिथिगाखौ

सोरजिखादों

फै आंनि अनजाली ग्लेमार,

मा बाथ्रा नोंनि मोजां मोन्नायनि ?

नोंखौ गोसो थोबाय आं अराय सम जिउ

नोंनि सायावसो जाबाय गानायनाय

गनायैआ ।

समाय लाग्खानानै फेलें खालामा जासे

जों अरायबो नागारा सानैजों जुदा जाया ।

नाथाइ.....! द' बाजियाव खोनासंनंबाय

'0' ।

रिन्दाव बसुमतारि

सांग्रेमा

ओइ सांग्रेमा ! ओइ सांग्रेमा

नों लाजिनो रोड नामा ?

इसेल जौनाय लाना

मान जायो नों दुगा ।

दानखोमसि हरावल

मानो जायो नों दुगा ।

अखाफोर दानस्रांआव

बबाव थाडे नों ?

आं माथो नोंखौ नुवा ।

मुलुगखौ स्रां खालामनो हानाय

गोहोआ नोंनाव दंमोनब्ला

जागौमोन नों बयनिबो दुगा-मारा ।

दानखोमसि हराव

आंनि लामा हान्थिनायाव

मानो खालामो आंखौ आवा-फावा

इसेल जौनाय लाना

आंनि सिगाइवल दुगा मारा ।

हनै नोंखौ मिनिदों गुबुनफोर

नोंनि इसेल जौनायखौ नुना ।

ओइ सांग्रेमा ! ओइ सांग्रेमा

नों लाजिनो रोड नामा ?

मुस्त्रि सिमां कुमार ब्रह्म

गामि:कुंक्थाइबारि

ला:सो: टिपकाइ

जिल्ला: कक्राझार

आलिया भाट्टआ 31 थि जोनोम सान फालिदों

(1 बिलाइनिफ्राय)

ह'जाइ जिल्लायाव 395 कौटि रां बाहायनानै
माखासे बिथांखि बेखेवनायजों लोगोसे ...

आलिया भाट्टआ बलिउडनि आखा-फाखा फावखुंफोरनि गेजेराव सासे। 12 बोसोरनि गावनि केरियारआव आलिया भाट्टआ गिदिर फैसालियाव फाव खालामनाय गावनि मोनफ्रोमबो फावजों नायगिरिफोरनि सिगाडव दोहो खोख्लैदों। आलिया भाट्टआ 15 मार्च, 2024 आव 31 बोसोर बेसोनि जाबाय। फावखुंफिआ थांनय हरआव गावनि जोनोम सानखौ गावनि नख'र आरो लोगोफोरजों जयै फालिदों। आलिया भाट्टनि जोनोम सान फालिनारनि नुथायफोरा ससेल मिडियाआव नुजाथिदों। आलिया भाट्टआ थांनय बृहस्पतिवारनि हराव ताज हटेलआव गावनि



जोनोम सानखौ फालिदोंमोन। आलिया भाट्टनि बयनिखुइबो साबसिन लोगो इशा आम्रानीआ गावनि फिसाइ

आनन्द पिरामलजों लोगोसे बे हाबाफारिआव बाहागो लादों। आकाश आम्रानीआबो आलिया बाट्टनि जोनोम साननि पाट्टिआव

गावनि बिसि सलेका मेहताजों लोगोसे बाहागो लादों। आलिया भाट्टनि पाट्टिनिफ्राय आरोबाव गुबुन मोनसे

भिडिअआ भाइरेल जादों, जेराव आलिया भाट्ट आरो रणबीर कापुरखौ पाट्टिनि उनाव बयखौबो बिदाइ होनाय नुनो मोन्दों। रणबीर कापुरआ गावनि बिबोनांखौ आखाइ हमना खाफालाव खुदुमनानै बिदाइ होदोंमोन। आलिया भाट्ट आरो रणबीर कापुरखौ हर गेजेराव पाट्टिनिफ्राय न' फासै थांनय नुनो मोन्दों। आलिया भाट्टखौ गावनि जोनोम साननि पाट्टिआव ग्लेमारेस नुदोंमोन। बिथांजोआ मोनसे गल्डेन स्टीपलेस टप आरो डेनिम जीन्स गान्दोंमोन। बबेखानि रणबीर कापुरखौ टी-शर्ट आरो डेनिम जीन्सजों लोगोसे गोसोम ब्लेजार गान्नाय नुदोंमोन। आलिया भाट्टखौ थाबैनो जिगरा सावथुनआव नुनो मोनगोन।

(1 बिलाइनिफ्राय)

मोन 7 फसंथानफोरजों रादायाव मुंसायलायदों

माक्सिम इनफ्रास्ट्रक्चर प्राइभेट लिमिटेड, तपसेन इन्डिया एल.एल.पि. आरो पेक्सकम प्लास्ट प्राइभेट लिमिटेड। बे फसंथानफोरनि गेजेरजों राइज्योयाव जानो गोनां गासै इन्भेस्टमेन्टनि बिबाड जाबाय 2 रोजा 50 कौटि रां। गुबुन फारसे, दिनेनै बे हाबाफारियाव गिबि मन्थ्रआ स्टार्टआप अन्सुंथाय महैर 11 कौटि रां गथायना होदों।

बेखो लोब्बा लानानै गावनि बिबुंथियाव आधिखालनि राइज्यो सरकारआ आसामखौ गोखे उद्यगयारि खालामनारनि थाखाय थांखि आजावना लादों होन्नानै गिबि मन्थ्रआ बुंदोंदि, गेदेर इन्भेस्टमेन्ट उद्यगयारि खालामनारनि मोनसे गेदेर खुंथिया होन्ना मख'दों। दरसे राइज्योयाव थिसन्थायनि जायगा सोर्जिनांगौब्ला गेदेर उद्यग गायसनजानांगोन होन्ना मख'नानै गिबि मन्थ्रआ बुंदोंदि, आसाम सरकारआ 100 कौटिनिखुइबो बासिन रां इन्भेस्टमेन्ट खालामनो नागिरा उद्यगफोरखौ गेदेर उद्यग महैर सान्ना लायो आरो उद्यग नेमखान्थिनि बिथायाव बेबायदि उद्यगफोरनिमिस गुबुन गुबुन खाबु होनो थांखि लादों। आसामनि सरसनसा उद्यग नेमखान्थिनि गेजेरजों गेदेर इन्भेस्टमेन्ट खालामगिरिखो गोसो बोनो थाखाय नाजानाय जादों होन्ना मख'नानै बिथाड बुंदोंदि, मिरु सरकारआबो सा-सान्जानि उद्यग खोन्दोखौ जौगाखां होनो थाखाय माखासे साननि सिगां गोदान महराव सा-सान्जा उद्यगयारि खान्थि फोसावना होदों। गिबि मन्थ्रआ बुंदोंदि, आसामआव उद्यग गायसनो गोसो-गुदुं जानायफोरा मिरु सरकार आरो राइज्यो सरकारनि जुथायै उद्यग खान्थिनि गेजेरजों मुलाम्फा मोनगोन।

गावनि बिबुंथियाव एम.एस.एम.इ. खोन्दोयाव थिसन्थायनि गोबां खाबु थायो होन्ना मख'नानै गिबि मन्थ्रआ बुंदोंदि, आबाद, हर्टिकल्स, हांसो-दाव फिसिनाय फालांगि बायदि खोन्दोनि गेजेरजों राइज्यो सरकारआ थिसन्थायनि खाबु सोर्जिनो नागिरदों आरो बे बिथिड माखासे थांखि आजावदों। सिडबीजों लोगोसे गोरोबलायनाय रदाय बायदिथै आधिखालाव क्रेडिट गेरेन्टि फान्ड दानाय जादों होन्ना मख'नानै गिबि मन्थ्रआ बुंदोंदि, बे पुन्जिखौ दानायनि उनाव थांनय थाम दानयाव आसामनि फिसा उद्यगफोरनो माहारियारि गनायथिजानाय बेंकफोरा 20 रोजा कौटि रांनि दाहार गथायदों। बेनि गेजेरजों राइज्योनि उद्यग खोन्दोयाव मोनसे जांखिथाया जागायजेन्दों होन्नानै बिथाड बुंदोंदि, माबेबा मोनसे ओन्सोलायाव उद्यगयारिनि थाखाय जेब्बा मोनसे थासारि दानाय जायोब्ला उद्यगयारिफोरा ओन्सोलायाव इन्भेस्टमेन्टनि फारसे गोसो गुदुं जायो। गिबि मन्थ्रआ बुंदोंदि, आसामनि गोदान उद्यगयारिफोरखौ मोजां मोनहोनो थाखाय राइज्यो सरकारआ गिबि मन्थ्र आत्मनिभर आसाम अभियान मुनि बिथांखिखौ जागायजेन्दों। बे बिथांखिनि सिडव प्रफेसनेल डिग्री थानाय लाइमोनफोरनो सुट गैयै सरकारि दाहा आरो अन्सुंथाय गथायनारनि थांखि लानाय जादों। बे उद्यगनि सिडव सासे प्रफेसनेल डिग्री थानाय सुबुंनो राइज्यो सरकारनिफ्राय 5 लाख रांसिम अन्सुंथाय होनाय जागोन। बेनिनो 2.50 लाख रां सरकारनो गथायनांनय नड आरो बे रांफोरखौ उद्यगयारिआ साबसिडि महैर मोनगोन। आद्रा थानाय 2.50 लाख रांखौ सुट गैयै उद्यगयारिआ 5 बोसोरनि गेजेराव गथायनांगोन। गुबुन फारसे, जायफोर प्रफेसनेल डिग्री गैया एबा फालांगि खालामबाय थानाय सुबुंफोरा 2 लाख रां बे बिथांखिनि गेजेरजों मोनगोन। बेनिनो 1 लाख रां सुट गैयै महराव थिखानाय किस्टियाव 5 बोसोरनि उनाव गथायनांगोन। गिबि मन्थ्रआ बुंदोंदि, बिसोर उद्यगयारिआ जाहाथे जाफुंसारनानै 'मुद्रा' दाहारनि थाखाय मोन्नो हाथाव जानो हायो बेनि थाखाय फोरोंथायजों लोगोसे मेन्टर थिसन्थायनि राहा खालामनाय जादों। बिथाड लोगोसे बुंदोंदि, बेंक एबा रांखान्थि फसंथानजों लोब्बा जायाबोला उद्यगयारिफोरा उद्यगनि बिथिडव सिगांलांनो हाया बेनि थाखायनो मेन्टरनि गेजेरजों बोसोरनि गेजेराव बिसोर लाइमोनफोरखौ उद्यग बिथिनि थाखाय मोन्नो हाथाव खालामनो लानाय जादों। गिबि मन्थ्रनि आत्मनिभर आसाम अभियानआ बाहागो लाफानाय लाइमोनफोरखौ जाहाथे बेंकजों लोब्बा जाहोनो हायो बे बिथिडवबो राइज्यो सरकारआ थांखि आजावदों। बे बिथांखिनि थाखा 1 लाख 10 रोजा लाइमोनफोरा आर'ज खालामदोंमोन होन्नानै बिथाड बुंदोंदि, बेनिनो 1 लाख लाइमोनफोरा गिबि मन्थ्रनि गाव सोनारनाय आसाम बिथांखिजों बे बोसोराव लोब्बा जाहोगोन। बिथाड बुंदोंदि, फैगो बोसोर आरोबाव 1 लाख लाइमोनफोरखौ बे बिथांखिनि गेजेरजों लाफानारनि बिथांखि लानाय जादों।

स्टार्टआपखौ उद्यगयारि खालामनारनि गुबुन मोनसे खुंथिया होन्नानै गिबि मन्थ्रआ बुंदोंदि, गावनि दिहुन्थायारि सान्नायजों स्टार्टआप खालामनाय सुबुंफोरा सिगांलांनो हास्थायदों। आसामआव स्टार्टआप जांखिथाया सोर्जिजादों होन्नानै गिबि मन्थ्रआ फोसावना होदोंदि, सोलिफु बोसोराव आसाम इन्जिनियारि फरायसालिमा आरु जरहात इन्जिनियारि फरायसालिमायाव इन्कुभेसन सेन्टर गायसनारनि थाखाय राइज्यो सरकारआ रां गथायगोन। दिनेनै बे हाबाफारियाव उद्यग बिफाननि मन्थ्र बिमल बरा, एमपि कुइन अजा, लेडाइ गहाइ नेहाथारि रू रबि कता, आइआइटी गुवाहाटीनि डीन बिबुंगिरि पि.के. आचार, एआइआइडिसिनि आफादगिरि सान्तनु फुजारि, एएसआइडिसिनि आफादगिरि किशर कुमार उपाध्याय, एआइडिसिनि लेडाइ आफादगिरि नबद्विप कलिता, आबाद बिफाननि कमिसनार आरो नेहाथारि अरुना राजरियामोनजों लोगोसे माखासे गोजों थाखोनि बिबानगिरिफोरा बाहागो लाफेदों।

श्रीशंकर संघनि प्लेटिनाम माइथाय फालिथाया..

हाबाफारियाव बाहागो लायो श्रीशंकर संघनि लाइब्रेरियान दिनेश दास, बार' आफादगिरि सर्बानन्द मेधि आरो खगेन्द्र डेकाआ। बिफां फुलि गायजेनो फारियै श्रीशंकर संघनि बार' लाइब्रेरियान सुधन'जिर, बार' आफादगिरि कुमुद उजिर आरो कन्दर्प उजिरआ। साइसानासालिनि दरखंखौ बेखेवनानै होयो भवानिपुर बिधान सभा बिबायनि बार' एमएलए रू मनरन्जन दासआ। सानजौफुनि 11 रिगानिफ्राय नाम आर'ज खुंनय जायो। मोनाबिलियाव आलारि बाथि फोजेडो श्रीशंकर संघनि बार' आफादगिरि प्रफुल्ला कलिता आरो राजेन्द्र नाथ कलिताआ। बेनि उनाव जौसांखौ बेखेवनानै होयो आनन्द बाजारनि गिरिश बिद्यापिट जर'खा गोजौ फरायसालिनि बार' फोरोंगिरि अमरेन्द्र शर्माआ। हरनि समाव खुंनय हारिमु दिन्थिफुनाय हाबाफारिखौ बेखेवनानै होयो आसाम जातियतावादि लाइमोन फरायसा आफादनि बजालि जिल्ला आफादनि बोसोनगिरि बिजन बायनआ। मख'नो गोनांदि, कर्दुंगिरि श्रीशंकर संघनि प्लेटिनाम माइथाय फालिथायाव दिनें गोबां राइजो-राजाफोरा बाहागो लायो।

(1 बिलाइनिफ्राय)

बड'लेण्ड मुलुगसोलोंसालिनि गोदान भाइस चेन्सेलर महैरै उं बाबु लाल...

बायदिजों दुंबुदयै बरायो। एबसुनि मोनसे थान्दै हान्जाया दिनें बड'लेण्ड मुलुगसोलोंसालिनि गोदान भाइस चेन्सेलर उं बाबुलाल आहुजाखौ आर'नाइ आरो बिबानि थफलाजों बरायो। मख'नो गोनांदि, बेनि लोब्बायै बड'लेण्ड मुलुगसोलोंसालिनि सावराय न'ब्लाडव दिनें बरायनाय आरो सिनायथि होनाय मेल खुंनय जायो।

बासुगाव गं 30 बिसिना गोनां फाहामसालि बेखेवदों

पेट्रल दोन्थुमग्रा आरो बटलिं प्लान्टआ बावैसो सिगां अन्थाइ खाम्फा गायसनजाबाय। फैगो बोसोरनि गेजेराव बेनि खामानिया आबुं जागोन। लोगो-लोगो बासुगाव सोहोरनि सोरगिदि सिमनायाबो बरायगोन। कामारडंगानिफ्राय बासुगाव सोहोर जानानै थानानि साखाथिजों बालागाव-थिनालिसिम गुवार गोजौ थाखोनि लामा लुनाय जागोन। चाम्पाबती दैसानि सायाव दालां लुनाय जागोन। आधिखालाव माखासे जौगाखाडरि बिथांखि लानायनि बाथाखौ एमपि रोनागोरा नार्जारीआ दिनेनै हाबाफारियाव फोरमायनानै होयो। हाबाफारियाव बिटिआरनि देहा बिफाननि बिथोनगिरि उमेश पान्सु, चिरां जिल्ला देहा बिथोनगिरि रेहेना बेगम, जेएसबि सिभिल फाहामसालिनि सुपारिन्टेन्डेन्ट डा: आर पान्डे, डिपिएम बासिल तप्प, चिरां जिल्ला बिजेपिनि आफादगिरि रतन चन्द्र राय, बासुगाव गुदि देहा मिरु सामलाय आफादनि आफादगिरि रबिन्द्र कुमार चौधुरी, बासुगाव देहा मिरुनि फाहामगिरि डा: गुन्देश्वर हाजंमोनजों लोगोसे माखासे मान गोनां जर'खा सुबुंफोरा बाहागो लाफेदों।

कक्राझार लक सभा बिबायनि एनडिएनि बिजाथि जयन्त बसुमतारिखौ बरायदों

सरकारनि दैदेनायाव खुंनय मेलाव बिजाथि जयन्त बसुमतारिआ बुडेदि, थांनय मोननै खुंथाय समाव गहाइ मन्थ्र नरेन्द्र मदि दैदेनाय एनडिए सरकार जौगाथायनि लामासिम सोलायनारनि बिथांखिफोरखौ मावफुंदों। नरेन्द्र मदिआ सासे मुलुगनि गुरु। हादतनि गासैबो थाखोनि राइजो-राजाफोरा बे खेबावबो नरेन्द्र मदिखौनो फिन गहाइ मन्थ्र महैर नागिरो आरो नरेन्द्र मदिआ थामथि खेबनि थाखाय भारतनि गहाइ मन्थ्र जागोन। आसामआवबो गिबि मन्थ्र हिमन्त बिश्व शर्मा दैदेनाय सरकार राइजो-राजाफोरनि थाखाय गोखौ जौगाथाय लाबोनारनि थाखाय मोन 14 मासियाव एनडिएनि बिजाथिखौ देरहा होनो थाखाय भदर राइजो-राजाफोरा थियारि जादों। कक्राझार लकसभा बिबायव बिथांखौ एबा एनडिएखौ 70 जौखोन्दो भदरआ भट होनानै गोबां भटजों देरहाहोनो थाखाय थियारि जादों। कक्राझार लक सभा बिबायव बिथांनो भट होनायानो नरेन्द्र मदिखौ थामथि खेबनि थाखाय गहाइ मनथ्रि खालामनायाव मदत होनाय होन्नानै बिथाड बुडे। मुथ्रि बसुमतारिआ बुडेदि, थांनय 10 बोसोराव कक्राझार लकसभा बिबायनि एमपि नब' कुमार शरनियाआ बर'-अबर'नि राजखान्थिजों एमपि जानानै बिबायनि राइजो-राजाफोरनि जानानै दिल्लीनि संसदआव फंसेबो बाथा बुडखै। नाथाय कक्राझार लकसभा बिबायनि गासैबो हारि-माहारिनि राइजो-राजाफोरा नब' कुमार शरनियानि बर'-अबर'नि राजखान्थि खालामनायखौ बे खेबाव हेफाजाव होया। बिपिएफ दोलोआ थामोन्था गैयै फोथाया जालांनय। बिपिएफआ दानिया राइजो-राजाफोरनि गेजेराव गैलिया। लकसभा बिसायख'थियाव बिपिएफआ जेननांगोन। कक्राझारआव नब शरनिया, बिपिएफ दोलोया गोबां भटनि फारागथियाव जेननांगोन होन्नानै बिथाड बुडे। दिनेनै मेलाव एजिपिनि मिरुनि गौथुमारि नेहाथारि मृनाल कलिता, बाक्सा जिल्ला आफादनि आफादगिरि मनमहन दास, बिजेपिनि बाक्सा जिल्ला आफादनि आफादगिरि शरत शर्मा, सालबारि टिसिएलसिसिनि मासिगिरि बिनद मुसाहारी मोनहाबो बिबुंथि होयो। गुबुन फारसैथि, सालबारि महकुमानि सिडव थानाय कक्लाबारिआवबो जयन्त बसुमतारिखौ एमसिएलए मन्तु बर'नि दैदेनायाव इडपिएल, बिजेपि, एजिपि आरो जिएसपिनि गोबां दैदेनगिरि-मावथिफोरा बरायो।

पुलिस थानानि भवनखौ फोजौखानाय बिथांखि। गुबुन फारसैथि, दिनें जल जीवन मिसननि सिडव जिल्लायाव लुनाय पाइपजों लोंग्रा दै जगायनारनि मोन 36 बिथांखिखौबो बेखेवनानै होयो। बे बिथांखिफोरखौ गासै 59.55 रां बाहायनानै लुनाय जादों। गिबि मन्थ्रआ दिनें कटियातलि-कामरुप-जमुनामुखनिफ्राय डबकासिम 127 कौटि रां बाहायलानै 38 किल'मिटर गोलाव 2 लेन गोनां लामाखौ 4 लेन गोनां लामासिम फोजौखानाय बिथांखिनि अन्थाइ खाम्फा गायसनानै होयो। गिबि मन्थ्रआ लामा जौगाथाय बिथांखिनि सिडव ह'जाइ जिल्लानि दों 105 लामा फोजौखानाय, फुवारनाय, लुफामफिन्याय आरो फोसाबनाय बिथांखिनि अन्थाइ खाम्फा गायसनानै होयो। बे बिथांखिनि थाखाय गासै 114.98 कौटि रां बाहायनाय जागोन। बेनि अनगायैबो 53.20 कौटि रां बाहायनानै जल जीवन मिसननि सिडव जिल्लायाव लुनो गोनां टेपनि गेजेरजों लोंग्रा दै जगायनारनि मोन 3 बिथांखिनि अन्थाइ खाम्फाखौबो गिबि मन्थ्रआ गायसनानै होयो। लोगोसे 7.15 कौटि रां बाहायनानै लुनो गोनां जिल्ला मुलि बाखिनि अन्थाइ खाम्फा गायसनानै होयो। बेनि लोब्बाजों शंकरदेब नोगोर गेलेग्रा फोथाराव खुंनय मोनसे मेलाव गिबि मन्थ्र उं शर्माआ बुडेदि, राइज्योनि जौगाथायनि खारथायखौ गोखौंसिन खालामनो थाखाय थांनय 29 फेब्रुवारीनिफ्राय राइज्योनि गुबुन गुबुन जिल्लायाव जौगाथायनि हान्थिनारखौ जागायजेन्दोंमोन। गिबि खेबनि थाखाय जौगाथायनि हान्थिनारयाव 26 रोजा कौटि रांनि बायदि रोखोमनि बिथांखिनि अन्थाइ खाम्फा गायसनया, बेखेवनाय जादों होन्नानै बिथाड बुडेदि, बै समाव ह'जाइनि रबिन्द्रनाथ ठाकुर मुलुगसोलोंसालिनि अरायथा भवननि अन्थाइ खाम्फा गायसनया जादोंमोन आरो बे खामानिया गोखोडैनो सोलिगासिनो दं। नैथि जौगाथायनि हान्थिनारनि हाबाफारियाव आसाम नाडैनो 23 रोजा कौटि रांनि बिथांखि मावफुंनया जादों। थांनय 2 बोसोराव राइज्योआव 1 लाख 20 रोजा कौटि रांनि जौगाथाय बिथांखिखौ आजावनाय जादों होन्नानै बिथाड बुडे। ह'जाइआव बेखेवनाय रेलवे प्लाइ अभांरनि सोमोन्दै फोरमायनानै बिथाड बुडेदि, बेनि जाउनाव मोनसे गोलाव समनि जेनाया सुसां जाबाय। दिनें आसाम नाडैनो जौगाथायनि खामानिया जागायजेन्दों होन्नानै बिथाड बुडे। गिबि मन्थ्रआ 1 लाख लाइमोन सेंग्रा-सिख्लाफोरनो साखि होनो खोथा होदोंमोन। बे बादिथैनो दासान्दि 97 रोजा लाइमोन सेंग्रा-सिख्लाफोरा सरकारि साखि मोनो हादों। 1 लाख साखि आबुं जानाय लोगो-लोगोनो फिन 35 रोजा साखिनि थाखाय राइज्यो सरकार थांखि लादों। गिबि मन्थ्रआ बुडेदि, रेसन कार्ड, अरुनदय बिथांखि, उज्जला बिथांखि, बीमा, आयुष्मान भारत, माइक्रफाइनेन्सनि दाहार रेहाय, लाखपति आइजो बायदि बिथांखिफोरनि सोमोन्दै फोरमायो। आसामाव दानिया गोजोन थासारि फेदों होन्नानै गिबि मन्थ्रआ बुडेदि आधिखालनि राइज्यो सरकारनि समाव गासैबो हारि-माहारि, धोरामारि सुबुंफोरनि गेजेराव खौसेथिनि आबहावा सोमजिदों। थांनय समफोराव बेबायदि आबहावा गैयामोन होन्नानैबो बिथाड बुडे। दिनेनै बे हाबाफारियाव एमपि कामाख्या प्रसाद तासा, हेन सिंह बे, एमएलएफोरा फारियै-रामकृष्ण घष, शिवु मिश्र, बिद्यासि इलें, कार्बि आंलं गावखुं हायुनि गहाइ मावफुं सोद्रोमा तुलिराम रंहाजों लोगोसे माखासे गेदेमा सुबुंफोराबो बाहागो लायो।

सा-सानजा ओनसोलनि द'थि फारियाव थानाय गौथुमयारि ओनेसोलनि 'मिचन बड्चमुथि'आ ...

इडपिएल दोलोआ बिटिसि बिसायख'थिनि सिगां सरसनसा सुबुंफोरनो गावसोरनि मनिफेस्टयाव बाथा होनाय बायदिथै प्रमद बर' दैदेनाय बिटिसि खुंथया हा आरो खाजोना बिफाननि गेजेरजों मिसन बैसोमुथि 1.0 नि गेजेरजों बिगोमा मोन्थाइनि मुडै नामजारि, रेजिस्ट्रेसन जानाय दलिलनि थाखाय नामजारि, दावराव-दावसि उदां रानसारलायनाय, आबादथिलि हानिफ्राय आबाद मावयै हासिम थाखो सोलायनाय, गथायनाय हाखौ म्यादि हासिम सोलायनाय, एकश'निया हाखौ म्यादि हासिम सोलायनाय, हा खालिखौ सुद्रायनाय, दख'ल गैयै पाट्टाधरनिफ्राय मुं दानख'नाय, मुं सोदानाय, पाट्टाधरनि मबाइल नम्बर सोफानाय, फोरमान गोनां जमा बन्दिनि कपि, फोरमान गोनां सितानि कपि, हा थानायनि फोरमान बिलाइ बायदि गुबुन गुबुन सिबिथायखौ मोनगोन। सरसनसा सुबुंफोरा बे सिबिथायफोरखौ मोन्नो मावखुलियाव साननि उनाव सान नाडै फैनो नांलिया एबा सोरबा दालाल एबा गेजेरारि थाखोनि हेफाजाव लानांलिया। बेबायदि आयदायाव मावखुलिनि सोरबा मावसुमनो रां घुस गथायनाज। बे खाबुफोरखौ सरसनसा सुबुंफोरा bwiswmuthi.bodoland.gov.in एबा sewasetu.assam.gov.in वेबसाइटयाव अनलाइन पर्टेलनि गेजेरजों आर'ज थिसनो हागोन। सोरबा बे आयदायाव जेना सोमजियोब्ला गाव-गावसोरनि ओन्सोल रेथिनिड सार्केल बिबानगिरिनि मावखुलि एबा सुबुं सिबिथाय मिरुसिम थानानै सरकारि बेसेनखौ गथायनानै आर'ज थिसननांगोन होन्नानै खौरंगिरि मेलयाव फोरमायना होयो। मख'नो गोनांदि, आर'ज थिसननारनि जोवथा अक्खौ 2024 माइथायनि फैगो 31 मे अक्खिसिम थि खालामनानै होदों। बेनि उनाव सरसनसा सुबुंफोरा थिसनया आर'जफोरखौ सरकारि नेमखान्थि बायदिथै 2024 माइथायनि 31 डिसेम्बरनि गेजेराव सुखानाय जागोन होन्ना फोरमायथियो। बेनि अनगायैबो खौरंगिरि मेलयाव आबादरिफोरजों लोगोसे जायखि-जाया हानि दाहार आजावनायनि थाखाय मिसन बैसोमुथि 1.0 आ मख'जाथाव बिफाव आजावगोन। मानोना हानि फोरमान बिलाइ बुथुमनो आबाद बिफान एबा रांखान्थि फसंथान बायदिया अनलाइनयाव गासै फोरमानफोरखौ बुथुमनो हागोन। बेनि अनगायैबो राइट टु पाब्लिक सांभिसेस एक्ट बायदिथै सोरबा बिबानगिरि-मावसुमाया सरसनसा सुबुंफोरखौ बे बिथिडव सिबिथाय होनायाव गोहैलो खालामोब्बा एबा गेनाखान्थिनि आन्थ्रय लायोब्ला बिसोरनि हेंथायै पेनाल्टिनि राहा लानाय जागोन होन्नानै मिबथिहोयो। मख'नो गोनांदि, दिनेनै बे हाबाफारियाव बिटिसिनि गहाइ मावफुं सोद्रोमा प्रमद बर'नि अएसडि राजु ताकालआबो बाहागो लाफेदों।

भवानिपुर आन्सलिक कलेजआव गेलेमु ...

बायनआ। फरायसालिमानि असमीया बिफाननि बिबानगिरि प्रफेसार दिलिप कुमार डेकाआ दैदेनाय आरो फरायसा खौसेथि आफादनि गहाइ नेहाथारि अंकुर तालुकदारआ थांखि बेखेवनानै होनाय बान्था रानाय हाबाफारियाव भवानिपुर दरखर फरायसालिमानि गभानि बडिनि आफादगिरि आरो बार' इन्जिनियार धनिराम तालुकदारआ थिखानाय बुंथिगिरि महैर बिबुंथि होनायजों लोगोसे फरायसालिमानि दिथागिरि सन्मिलनिन आफादगिरि रबिन कलिता, बार' फरायसा सन्मिलनिन आफादगिरि चम्पक बायनआबो आलासि महैर बाहागो लानानै बिबुंथि होयो। मेलाव भवानिपुर दरखर फरायसालिमानि लेडाइ गोययुं उं आबुडुस सालामआ आलासि महैर बाहागो लायो। मेलाव आलासिफोरा फरायसालिमानि थाखाय गागि खन्थाइगिरि पियुष पाठकआ सुजुनाय सुचना संगित (जागायजेनया मेथाइ)खौ बेखेवनायजों लोगोसे फरायसालिमानि 2022-23 बोसोरनि खुगा लाइसिखौबो बेखेवनाय जायो। फरायसालिमानि जागायजेनया मेथाइ सोरजिगिरि पियुष पाठकखौ फरायसालिमा बिफानआ मेलाव दुंबुदयै बरायनानै मान होयो। मेलाव फरायसालिमानि गेलेमु फोर्बोआव बाहागो लानानै बान्था देरहानो हानाय फरायसाफोरनि गेजेराव बान्थाफोरखौ गथायनानै होनाय जायो। मेलाव थुगेनाय बिबुंथि होयो फरायसा खौसेथि आफादनि आफादगिरि राहुल नाथआ। गुबुन फारसैथि, थांनय सानाव फरायसालिमानि बोसोरनि गेलेमु फोर्बोनि लोब्बायै फरायसालिमानि फरायसा-फोरोंगिरि आरो मावफारियाफोरा ज'थे भानिपुर ओन्सोलाव मोनसे मेहेर गोनां हारिमुवारि हान्जा सुरनाय जाबाफारि खुडे। सानजौफुनि 11 रिगायाव फरायसालिमानि लांगोनायाव हारिमुवारि हान्जा सुरनाय हाबाफारिखौ बेखेवनानै होयो आजिरा मोन्नाय प्रफेसार उं हितेश चन्द्र रयआ। बेखेव हाबाफारियाव भवानिपुर दरखर फरायसालिमानि गोययुं उं मुकुन्द शर्माआ गहाम हामब्लायथि बिबुंथि होयो। मख'नो गोनांदि, फरायसालिमानि फोरोंगिरि-फरायसा आरो मावफारियाफोरा बाहागो लानायनि अनगायैबो हारिमुवारि हान्जा सुरनायाव गोबां फरायसाफोरा आसार-खान्थियारि असमीया हारिनि बायदि हारिमुवारि महर मुख्तिफोरखौ दिन्थिफुंनानै भवानिपुर ओन्सोलनि 5 किल'मिटर गोजान गिदिनानै हारिमुवारि हान्जा सुरनाय हाबाफारि खुडे।

सा 300 तिर्थ दावबायारिफोरनो नदियासिम दावबायनायनि खाबु होदों मावफुं सोद्रोमा ...

गाबगोन। दिनें कक्राझार रेलवे स्टेसननिफ्राय कामरुप एक्सप्रेस ट्रेनजों दावबायनायखौ जागायजेनया दावबायारिफोरनि थांलाय-फैलाय आरो थानाय-जानायनि गासैबो खरसाखौ रुजोनो। मख'नो गोनांदि, बिटिसिनि मावफुं सोद्रोमा अरुप कुमार देआ गोलाव समनिफ्रायनो आसामनि गुबुन गुबुन जिल्लानिफ्राय बिमा-बिफाजों समान बेसोनि सुबुंफोनो बेसेन नाड लासे तिर्थ थावनि पुरिनि जगन्नाथ मन्दि, उत्तराखण्डनि केदारनाथ मन्दि, हरिद्वार आरो उत्तर प्रदेशनि बचन धामआव दावबायनैनायनि खाबु होबोदोंमोन।

एड शिरनआ एसएस राजामौलीनि सासे गिदिर अनसाइगिरि

रोजाबगिरि एड शिरनआ आथिखालाव मुम्बाइआव दं। बिथाड थाबैनो भारतआव मोनसे कन्सर्ट खालामनो थांगसिनो दं। बलिउडनि फावखुंगुर शाहरुख खानआ बिथांखौ भारतआव बरायनायजों लोगोसे बिथानि थाखाय मोनसे पार्टी खुंदोंमोन। बावैसो सिगां एड शिरनआ बुंदोंदि, बिथाडा एसएस राजामौलीनि खामानि गिदिर अनसाइगिरि आरो बिथाडा एसएस राजामौलीनि मोनसे सावथुनखौ जोबोद मोजां मोनो। बलिउड लाइफनि रिपटनि बायदिल्ला, एड शिरनआ बेखौबो बुंदोंदि, बिथाडा आरआरआर सावथुन आरो एसएस राजामौलीनि सासे गिदिर



अन्साइगिरि। बिथाड राम चरण आरो जुनियर एनटिआरनि आरआरआर सावथुनखौ बाखायदों आरो बे सावथुनखौ भारतनि बयनिखुइबो साबसिन सावथुन बुंदों। मख'नो गोनांदि, एसएस राजामौलीनि आरआरआर

सावथुनखौ मुलुगनां थाखोयाव बाखायनायजों लोगोसे मान होनाय जादों। थांनाय बोसोराव बे सावथुननि नाटु-नाटु मेथाइखौ अस्कार बान्थाजों मान बाउनाय जादोंमोन। शाहरुख खानजों एड शिरननि मोनसे सावगारिया

भाइरेल जादोंमोन, जेराव जवान सावथुननि फावखुंगुर एड शिरननो गावनि मे थाइनि मोसानाय स्टेपफोरखौ फोरोंगासिनो दंमोन। एड शिरनआ मोनसे रयज्जालनायाव शाहरुख खानजों लोगोसे खामानि

मावनो गोसो जानायखौ फोरमायदों। मख'नो गोनांदि, बेनि सिगां एड शिरनआ 2019 माइथायाव भारतआव फेदोंमोन। भारतआव फेनायनि गाव मोन्दाथिखौ फोरमायनांनै बिथाड बुंदों, जेब्लानो आं भारतआव फेयो अब्ला आं बेवहाय सुबुंफोरनि अनसाइनायखौ मोन्दांनो हायो। माब्लाबा माब्लाबा बबेबा जायगायाव थाडे आरो बे जायगानि सुबुंफोरो नोंथांखौ गावसोरनि आंगोनि बानायो। आं गोबां हादतफोरव थांबाय, नाथाय बै हादतनि सुबुंफोरनि गेजेराव आं जेबो क्रेज नुवाखै, नाथाय भारतआ मोनसे भाइरेल हादत, जेराव सुबुंफोरो जोबोद गोसो गुदु जाना थायो। आंनि सुबुंथियाबो बिसोरनिजों रोखोमसे बेनिखायनो आं मोजां मोनगासिनो दं।

गाहाम देहानि राहा

थाबायखांनायनि उनाव जिरायनाया देहानि थाखाय गोनांथार

गाहाम देहायै थानो थाखाय थाबायनाया जोबोद गोनांथार। थाबायनाया देहाखौ समानथि लाखियो, लिस्थायखौ समानथि खालामो आरो देहाजों सोमोन्दो थानाय गोबां जेनाफोरखौ होबथायो। बेनि अनगायैबो थाबायनाया मेलेमारि सावसिनि थाखायबो मुलाम्फा गोनां। बेनिखायनो नोंथानि देहानि थाखाय थाबायनाया जोबोद गोनां। गुबैयै थाबायनायनि उनाव जिरायनाया देहाखौ सुखु होयो आरो मंगहोनायाव हेफाजाव होयो। बेनि अनगायैबो थाबायखांनायनि उनाव नोंथाड खमैबो 30-45 मिनटनि थाखाय जिरायनांगौ। बेबादि खालामनाया नोंथानि देहाखौ



गुवारै गोहोम खोखलैगोन। बेबादि खालामनाया नोंथानि रोदाफोरखौ सोमावखुंगोन आरो उनाव नोंथाडा रोदाफोरनि सानायजों मोगा-मोगि जाननाय नड। बेनि अनगायैबो बेबादि खालामनाया देहानि थाखायबो गोनांथार। नोंथाड बेनि सोमोन्दै गाहायाव होनायनि गेजेरजों मिथिनो हागोन।

(1) थाबायखांनायनि उनाव जिरायनाया देहानि बिदुंखौ समानथि खालामनायाव मदद होयो। (2) बेबादि खालामनाया थैनि गोसारथिखौ दिदोम लाखियो। (3) थाबायखांनायनि उनाव जिरायनाया नोंथानि देहायाव प्रटिन, दै आरो कार्बहाइड्रेटनि सोबखांनायखौ साबसिन खालामो।

सिद्धार्थ माल्हरानि बिमा आरो दिशा पाटानीनि भिडिअया ससेल मिडियाआव भाइरेल जादों



यद्धा सावथुनआ सिनेमा हलफोरव रिलीज जाबाय। सावथुननि ग्रेन्ड प्रिमियरआ बृहस्पतिबारखालि मोनाबिलियाव जादों। सावथुननि फावगिरिफोरजों लोगोसे बिसोरनि नख'र आरो लोगोफोराबो बेयाव बाहागो लादोंमोन। दिशा पाटनी आरो

राशि खान्नाआ यद्धा सावथुनआव सिद्धार्थ माल्हराजों लोगोसे गोनां बिफावफोर लादों। सिद्धार्थ माल्हराआ दिशा पाटनीजों लोगोसे गिबि खेबनि थाखाय स्क्रून शोयार खालामदों। सिद्धार्थ माल्हरा आरो दिशा पाटनीनि मोजां सोमोन्दोखौबो फे सालनि

आन्दोआव नुनो मोन्याय जादों। आथिखालाव मोनसे भिडिअआव दिशा पाटनीखौ लोगो हमनायनि उनाव सिद्धार्थ माल्हरानि बिमानि फिनजाथाया भाइरेल जागासिनो। यद्धा सावथुननि प्रिमियर नाइटनि गोबां नुथायफोरा ससेल मिडियाआव भाइरेल जागासिनो

दड। बेफोरनि गेजेराव मोनसे भिडिअआव दिशा पाटनी आरो सिद्धार्थ माल्हरानि बिमानि जर'खा बुब्लिखौ सेबखानाय जादों। सिद्धार्थ माल्हराआ यद्धा सावथुननि प्रिमियरआव दिशा पाटनीखौ गावनि नख'रजों सिनायथि होदोंमोन। ससेल मिडियाआव मोनसे भिडिअआ भाइरेल जादों, जेराव दिशा पाटनीखौ लोगो हमखांनयनि उनाव सिद्धार्थनि बिमानि फिनजाथाया बयनिबो गोसोखौ बोनो हादों। गुबैयै जेब्ला सिद्धार्थनि बिमाया दिशाखौ लोगो मोन्दोंमोन अब्ला सिद्धार्थ माल्हरानि बिमाया जोबोद खुसिमोन। सावरायनायनि उनाव सानैखौबो गोबाव समसिम गावजों-गाव रयज्जालनायाव रंजानाय नुनो मोन्दोंमोन। दिशा पाटनी आरो सिद्धार्थनि बिमानि भिडिअआ ससेल मिडियाआव भाइरेल जादों।

आर्टिकल 370 सावथुननि फालांगिआ गाजिसिन जालांगासिनो

यामी गौतम आरो प्रियामणी स्टारर आर्टिकल 370 सावथुनखौ बक्स अफिसआव फेलें जानाय नुनो मोन्दों। बे राजखान्थियारि थुनफावथाय सावथुनखौ सिनेमा हलफोरव रिलीज खालामनाया 21 सान जाबाय। सावथुनआ बक्स अफिसआव जोबोद मोजाडै जागायजेन्दोंमोन, नाथाय 20 साननि उनाव अजय देबगाननि शेतान सावथुनजों बे सावथुनआ मोगा-मोगि जानो गोनां जादों, जायनि जाहोनाव आर्टिकल 370 सावथुनआ रं आजिनायाव गोब्राब जागी। शेतान सावथुननि उनाव आथिखालाव यद्धा सावथुनआबो बक्स अफिसआव रिलीज जाबाय। जाहोनाव थांनाय बृहस्पतिबारखालि आर्टिकल 370 सावथुननि फालांगिआ आरोबाव



दावखलायबावदों। आर्टिकल 370 सावथुनआ आथिखालाव फालांगि खालामनो जोबोद गोब्राब जानांनै दड। बबेखानि बे सावथुनआ थांनाय बुधवारखालि 9 लाख रंनि फालांगि खालामनो हादों, बे सावथुननि फालांगिआ थांनाय बृहस्पतिबारखालि आरोबाव गाजिसिन जादों। सुलुनि

बादिब्ला, बे राजखान्थियारि थुनफावथाय सावथुनआ थांनाय बृहस्पतिबारखालि 8 लाख रंल' फालांगि खालामनो हादों। आर्टिकल 370 सावथुनआ नख'रि बक्स अफिसआव गासै 69 कौटि रंनि फालांगि खालामबाय। आर्टिकल 370 सावथुननि फालांगिआ खालि भारतआवल' नडा नाथाय

मुलुगनाडैबो थाथ'गासिनो थानायखौ नुनो मोन्दों। साननैसो सिगां बे सावथुनआ मुलुगनाडैनो 95 कौटि रं आर्जिंमोन, नाथाय आथिखालाव सावथुनआ जेरै दिन्थिफुदों, बे सावथुननि थाखाय मुलुगनाडैनो 100 कौटि रंबो आर्जिनो थाखाय गोब्राब जानायखौ नुनो मोन्दों।

आलिया भाट्टआ 31 थि जोनोम सान फालिदों

आलिया भाट्टआ बलिउडनि आखा-फाखा फावखुंगुरनि गेजेराव सासे। 12 बोसोरनि गावनि केरियरआव आलिया भाट्टआ गिदिर फेसालियाव फाव खालामनाय गावनि मोनफ्रोमबो फावजों नायगिरिफोरनि सिगाडव दोहौ खोखलैदों। आलिया भाट्टआ 15 मार्च, 2024 आव 31 बोसोर बैसोनि जाबाय। फावखुंगुरिआ थांनाय हरआव गावनि जोनोम सानखौ गावनि नख'र आरो लोगोफोरजों जयै फालिदों। आलिया भाट्टनि जोनोम सान फालिनायनि नुथायफोरा ससेल मिडियाआव नुजाथिदों। आलिया भाट्टआ थांनाय बृहस्पतिबारनि हराव ताज हटेलआव गावनि जोनोम सानखौ फालिदोंमोन। आलिया भाट्टनि बयनिखुइबो साबसिन लोगो इशा आम्बानीआ गावनि

फिसाइ आनन्द पिरामलजों लोगोसे बे हाबाफारिआव बाहागो लादों। आकाश आम्बानीआबो आलिया भाट्टनि जोनोम साननि पार्टिआव गावनि बिसि सलेका मेहताजों लोगोसे बाहागो लादों। आलिया भाट्टनि पार्टिनिफ्राय आरोबाव गुबुन मोनसे भिडिअआ भाइरेल जादों, जेराव आलिया भाट्ट आरो रणबीर कापुरखौ पार्टिनि उनाव बयखौबो बिदाइ होनाय नुनो मोन्दों। रणबीर कापुरआ गावनि बिबोनांखौ आखाइ हमना खाफालाव खुदुमनांनै बिदाइ होदोंमोन। आलिया भाट्ट आरो रणबीर कापुरखौ हर गेजेराव पार्टिनिफ्राय न' फासै थांनाय नुनो मोन्दों। आलिया भाट्टखौ गावनि जोनोम साननि पार्टिआव ग्लेमास

नुदोंमोन। बिथांजोआ मोनसे गलडेन स्ट्रीपलेस टप आरो डेनिम



मनज बाजपेयिआ गावनि दोहौ गोनां फाव खालामनायजों नायगिरिफोरनि गोसोखौ बोनो हायो। मनज बाजपेयिआ दा फेमिली मेन, सत्य, गंस अफ वाशेपुर बायदि गोबां सावथुनफोराव फाव खालामदोंमोन। मनज बाजपेयिआ थांनाय 30 बोसोरव एरैबादि दोहौ गोनां फाव खालामदोंदि, सुबुंफोरा बिथानि फाव खालामनायनि अनसायगिरि जादों। बावैसो सिगां मनज बाजपेयिनि गोदान सावथुन भैया जी सावथुनखौ फोसावदों। बेजों लोगोसे बे सावथुननि फावखुंगुरनि गिबि नुथायखौबो फोसावनाय जादों, जेराव बिथांखौ जोबोद आलादा महरव नुनो मोन्याय जादों। बेनि

मनज बाजपेयिनि 100 थि सावथुनखौ फोसावबाय



अनगायैबो सावथुननि रिलीजनि अक्टनि सोमोन्दै फोरमायथिबो होनाय जादों। भैया जी सावथुननि गिबि पस्टरआव मनज बाजपेयिखौ गोदोनायाव गांसे टावेल आरो खुगायाव

सिगारेट लानानै थानाय जोबोद देसि स्टाइलआव नुनो मोन्दों। मनज बाजपेयिनि बे नुथायखौ नुनानै अनुमान खालामनो हायोदि, बे सावथुनावबो बिथाडा गावनि महर आरो

आखुजों नायगिरिफोरनि सिगाडव दोहौ दिन्थिनो थांगसिनो दड। बिथाड गावनो गावनि इनस्टाग्रामआव बे नुथायनि पस्टरखौ शोयार खालामदों। बेजों लोगोसे

बिथाडा सावथुननि रिलीजनि अक्ट आरो टिजारखौबो आपडेट खालामदों। बिथांनि बे सावथुनखौ फेगो मे दाननि 24 अक्टआव सिनेमा हलफोरव फोसावनाय जागोन। सावथुननि टिजारखौ 20 मार्चखालि बेलासिनि 2:42 रिंगायाव फोसावनाय जागोन। मनज बाजपेयिनि सावथुन फोसावनायनि उनाव बयबो नायगिरिफोरा बिथानि सावथुनखौ नायनो थाखाय गोसो गुदु जानायखौ नुनो मोन्दों। मिथिहोनाय जायोदि, बे सावथुनखौ अपुर्भ सिंह कार्कीआ बिथोन होदों। बे सावथुनआ मनज बाजपेयिनि सावथुन केरियरनि 100 थि सावथुन।

बास्टार दा नक्साल स्टरी सावथुनआ गासैबो सल'खौ मोजाडै दिन्थिफुनो हायाखै



हादरनि माखासे बाहागोफोराव नक्सालबादआ बयनिखुइबो देरसिन जेना आरो बास्टार दा नक्साल स्टरी सावथुनआ बे आयदानि सायाव सावरायदों। बे सावथुनआव अदा शर्माआ आइपिएस निरजानि फाव खालामदों। बे सावथुननि सल'आ निरजा माधवनजों जागायजेनो, बिथानि जिउनि गुदि थांखिआ

नक्सालबादखौ फोजोबनाय। बे सावथुनआव अदा शर्मा आरो यशपाल शर्मानि फाव खालामनाया दोहौ गोनां जायाखै। बे आखुनि थाखाय अदा शर्माआ जेसेबां गोहो गोर फाव खालामनांगोमोन बिथांखौ बेबादि गोहो गोर फाव खालामनाय नुनो मोनाखै। बिथानि गुरै गाराड बे गोहो गोर स्टाइलखौ फोरमायनो हायाखै। सानैबो फावखुंगुरफोर गावसोरनि आखुखौ मोजाडै दिन्थिफुनो थाखाय हाजासे नाजादों। बेकग्राउन्ड देखोआ हेफजाव होयो। सुदीप सेनआ बे सावथुनखौ बिथोन होदोंमोन। सुदीप सेननि सल'खौ बबेबा बबेबा समाव आन्दायनाय नुनो मोन्दों। बेल' नड सावथुननि सल'आव माखासे बेबादि समफोरबो दं, जेब्ला सावथुननि सल'आ गावनि गुबै आयदाजों गोरोबनो हाया। सावथुनआ थारैनो माखासे नंगुबै आयदाफोरखौ दिन्थिदों, नाथाय गासैबो सल'खौ दिन्थिफुनायाव फेलें जादों।

बलिउडनि फावखुंगुर कार्तिक आर्यनआ भुल भउलैया 2 आरो सत्य प्रेम की कथा सावथुनफोरजों बक्स अफिसआव दोहौ सोमजिहोदोंमोन। आथिखालाव फावखुंगुरआ अनिस बन्मीनि भुल भुलैया 3 सावथुननि थाखाय शुटि खालामनायाव मुखुब जानानै दड। बे समाव कार्तिक आर्यनआ गांसे गोदान कार बायदों। कार्तिक आर्यननि भिडिअ आरो सावगारिफोरबो ससेल मिडियाआव भाइरेल जादों, जेराव बिथांखौ गावनि मुम्बाइनि न'आव गांसे गोदान कारजों लोगोसे नुनो मोन्याय जादों। कार्तिक आर्यनआ लाकजारि गारिफोरखौ मोजां मोनो। बिथानाव सिगांनिफ्रायनो गोबां लाकजारि गारिफोर दड। आथिखालाव बिथाड गावनि लाकजारि गारिफोर बुधुमनायाव रेन्जरभार एसइउभि कारखौ सोफादेरदों। बे गारिनि बेसेनआ 6 कौटि रं होन्नानै बुनाय जादों। कार्तिक आर्यनखौ भाइरेल जानाय भिडिअ आरो सावगारिफोरव गावनि नख'रजों

कार्तिक आर्यनआ गांसे गोदान सुपार लाकजारि कार बायदों

बलिउडनि फावखुंगुर कार्तिक आर्यनआ भुल भउलैया 2 आरो सत्य प्रेम की कथा सावथुनफोरजों बक्स अफिसआव दोहौ सोमजिहोदोंमोन। आथिखालाव फावखुंगुरआ अनिस बन्मीनि भुल भुलैया 3 सावथुननि थाखाय शुटि खालामनायाव मुखुब जानानै दड। बे समाव कार्तिक आर्यनआ गांसे गोदान कार बायदों। कार्तिक आर्यननि भिडिअ आरो सावगारिफोरबो ससेल मिडियाआव भाइरेल जादों, जेराव बिथांखौ गावनि मुम्बाइनि न'आव गांसे गोदान कारजों लोगोसे नुनो मोन्याय जादों। कार्तिक आर्यनआ लाकजारि गारिफोरखौ मोजां मोनो। बिथानाव सिगांनिफ्रायनो गोबां लाकजारि गारिफोर दड। आथिखालाव बिथाड गावनि लाकजारि गारिफोर बुधुमनायाव रेन्जरभार एसइउभि कारखौ सोफादेरदों। बे गारिनि बेसेनआ 6 कौटि रं होन्नानै बुनाय जादों। कार्तिक आर्यनखौ भाइरेल जानाय भिडिअ आरो सावगारिफोरव गावनि नख'रजों



लोगोसे नुनो मोन्याय जादों। फावखुंगुरआ गिबियाव गावनि गोदान कारनि सिगाडव फुजा होनायाव नरिंखल देखुबदोंमोन आरो उनाव आरति खालामदों। बे समाव बिथांखौ लांदां आथिजों नुनो मोन्दोंमोन। खामानिनि मोखांनि बाथा बुडोब्ला, कार्तिक आर्यनखौ थाबैनो कबीर खाननि सन्दु सेमियन सावथुनआव नुनो मोनगोन।

चन्डिगडनि एमपि आरो फावखुंगि किरण खेरआ लाकजारि कार बायदों

गोदान दिल्ली, 15 मार्च : राजखान्ति फोथारनि सासे गोखों आइजो आरो बलिउडनि फावखुंगि किरण खेरआ गावनि गोखों फाव दिन्थिनायनि थाखाय बयजोंबो मिबथिसारजायो। बिथाडा गोबाव समनिफ्रायनो सावथुन मुलुगनिफ्राय जानगाराव थादोंब्लाबो बिथानि फेन फलईआ खम जानानै फैयाखै। चन्डिगडनिफ्राय एमपि बिबानआव थानाय किरण खेरआ बावैसो सिगां गंसे गारि बायदों। बेजों लोब्बा थानाय आपडेटफोरा सशेल मिडियाआव गोबां भाइरेल जानो हमदों। भाइरेल जानाय सावगारियाव किरण खेरखों लाकजारी गारि सेराव गसनाय नुनो मोन्दों। लाकजारी गारिनि सेराव किरण खेरखों अल ब्लेक लुकआव नुनो मोन्नाय जादों। बिथाडा 1.65 कौटि रनि गोदान कार बायदों आरो बे कारआ सपसन्सा नडा। खौराडव गोखें गोसारनाय किरण खेरनि गोदान गारिया जादों जिएलएस



मासिडिज। बेयो मोनसे लाकजारी कार, जाय सानैसोल' आरो मुंदांखा बलिउड स्टारफोसावल' दड। कारनि डिजिभारि लानाय समाव किरण खेरखों अल ब्लेक लुजों लोगोसे बुट जुथा गान्नाय नुनो मोन्दों। लोगोसेनो बिथाडा नोजोरारव गोखेंलाथाव चस्माबो गान्दों। बिथानि सावगारिखों नुनायनि उनाव सुबुंफोर गोदान गारिनि गोबां हामब्लाइथि हरदों। फारसेथि गोबां सुबुंफोरा बायदि रोखोमनि कमेन्टबो होदों। सासे फेनआ लिस्टदोंदि, जेसेबानि गारि

बायदों बेजों नएडायव गंसे डफेक्स मोनगोमोन। गुबुन सासे फेनआ लिस्टदों, जोबोद बेसेन गोसा गारि आरो गुबुन सासेबावआ लिस्टदों बियो अनुपम खेरनि बिसि बिखों दिनेसो मिबथिनो मोन्दों। बेफोर बायदि गोबां कमेन्टफोरखों कमेन्ट बक्सआव नुनो मोन्नाय जादों। मख'जाथावदि, किरण खेरआ चन्डिगडनिफ्राय एमपि बिबानआव दड। राजखान्तिथाव आगान होनायनि उननिफ्रायनो किरणआ सावथुनआव गोबां खम फाव खालामदों। बांसिनै

बिथांखों रेलिटि स्व'फोराव नुनो मोन्नाय जायो। माखासे बोसोर सिगां बिथाडा केन्सार बेरामजोंबो जुजिनादोंमोन। जाउनाव सावथुन मुलुगनिफ्राय जानगाराव थादोंमोन। अदेबानि आथिखालाव किरण खेरआ बेरामनिफ्राय रैखाथि मोन्नाइ गोगो देहाजों जिउ खांगसिनो दड। किरण खेरआ सशेल मिडियाआवबो गोबां एक्टिभ थायो आरो फिसाइ अनुपम खेरआबो बिथांजों लोब्बा थानाय आपडेटफोरखों शे यार खालामो।

गोदान दिल्ली, 15 मार्च : सुप्रिम कर्टआ बिथोन होनायनि उनाव भारतयारि बिसायख'थि आयगआ 14 मार्चआव इलेक्टरेल बन्डजों लोब्बा थानाय डेटाखों फोसावदोंमोन। इलेक्टरेल बन्डजों लोब्बा थानाय डेटाया बै डेटा जायखों बिसायख'थि आयगजों 12 मार्चखालि एसबिआइआ शेयार खालामदोंमोन। बिसायख'थि आयगनि वेबसाइटआव मोनै फारिलाइ फोसावनाय जादों। वेवहाय गासै गां 763 बिलाइ दड, जेराव इलेक्टरेल बन्ड बायनाय कम्पनी आरो सुबुंफोरनि मुं दफायो। बे केसआव सुप्रिम कर्टआ स्टेट बैंक अफ इन्डियानो नटिस हरनानै फिन्नाय बिदों। सुप्रिम कर्टआ वेबसाइटआव आपलड होनाय डेटाखों गथाइफिन्नांगौनि आयदाखों लाना इसिआइनि खावलायनायखों गनायथिबो होदों। सुप्रिम कर्टआ बुंदोंदि, हाइकर्टनि जुडिसियेल रेजिस्टारआ रोखा खालामनांगोनदि, लेखा



बिलाइफोरखों स्केन आरो डिजिटेल खालामनायनि अनगायै गासैबो हाबाफारिया आबुं जानायनि उनाव बेफोर लेखा बिलाइफोरखों इसिआइनो हरफिनांगोन। बेयो बेखों 17 मार्चआव एबा बेनि सिगां वेबसाइटआव आपलड खालामगोन होन्नाबो रोखा खोथा होनांगोन। मख'जाथावदि, सुप्रिम कर्टआ बेनि सायाव समभारिसमनि गेजेरावबो एसबिआइनिफ्राय फिन्नाय बिदों। मख'जाथावदि, सुप्रिम कर्टनि गोखों बिथोन होनायनि उनाव एसबिआइआ

बुधवारखालि भारतयारि बिसायख'थि आयगनो इलेक्टरेल बन्डनि डेटाखों गथाइदोंमोन। बिथोननि बायदिब्ला, बृहस्पतिबारावबो बिसायख'थि आयगआ बे डेटाखों गावनि वेबसाइटआव आपलेड खालामदों। अदेबानि बेयाव जायखिजाया बन्डनि इउनिक नाम्बारखों होनाय जायाखै। मख'जाथावदि, बे केसनि हियारि होनायाव सिजेआइ चन्द्रसुरनि देदेनाय संबिजिरि बेन्वआ गावसोरनि बिथोनमा रोखा होन्ना स्टेट बैंक अफ इन्डियाखों बुंदोंमोन।

वेवहाय इलेक्टरेल बन्डनिफ्राय बेजों लोब्बा थानाय खेंफोरथिखों आबुडै होन्नाबो बुंनाय जादोंमोन। इउनिक नाम्बारखों शेयारि खालामनो थाखाय एसबिआइनो 18 मार्चसिम सम होनाय जादों। मख'जाथावदि, बिसायख'थि आयगआ फोसावनाय मोनै फारिलाइनि मोनसेयाव बन्ड बायग्रा सुबुंफोरनि मुं आरो गुबुन मोनसे फारिलाइयाव बन्डनि रंखाथि होग्रा पार्टीफोरनि मुं दड।

भारतआव सिएए लाबोफिन्नायखों अमेरिकाया जिगा फोरमायदों

वाशिंगटन, 15 मार्च : जुथाइ राइज्यो अमेरिका (इउएसए) आ बुंदोंदि, भारतआव नोगोरारि सोदांनय आइन थामहिनबा सिएएनि बिथोनमा फोसावनायखों लानानै माखासे गोनो-गोथो मोन्दों। बेनि सायाव गावसोर गोथोवै नोजोर होगासिनो दड। अमेरिका गुबुन हादतयारि बिफाननि बुंथिगिरि मेट्यु मिलारआ गावनि सानफ्रोमबोनि बिपिंआव मिडियानि सिगाडाव 11 मार्चनिफ्राय फोसावजानाय नोगोरारि सोदांनय आइनि बिथोनमाफोरनि बागै अमेरिकाया जिगा सिदों। मोनसे सौंथिनि फिन्नायाव बिथाडा बुडेंदि, गावसोर बिनि सायाव गोखों नोजोर लाखिदों आरो बेखों माबोरें गोहोम गोनां खालामनाय जागोन बेखोंबो नोजोर होदों। दोरोडारि उदांस्त्रिखों मान होनाय आरो गासैबो हारिमाफोरनि थाखाय आइनि गेजेरजों समान आखु दिन्थिनाया गाहाइ सुबुंखाथिथारि थांखि। मख'जाथावदि, बुधबाराव



मिरुनि नख'र मन्थि अमित शाहआ सिएएनि सायाव सुबुंफोरनि माखासे सन्देह'खों बोस्राना होनो नाजादोंमोन। बिथाडा बुंदोंमोनदि, गोदान आइनअ अनागारजों भुगिनांनय एसेल' सुबुं अन्जिमा थानाय हारि एबा माइन् रेटिफोरनि मोन्थाइफोरखों रोखा खालामनायनि थाखाय, जाय बोखावजायै भारतनि बाहागोमोन आरो बेयो रवनिबो मोन्थाइफोरखों ख'हा खालामनाय नडा। नख'र मन्थिया एएनआइनो होनाय मोनसे मोगा-मोगियाव बुंदोंमोनदि, बिथाडा सिएएनि सायाव गुबुन गुबुन जौस्रांफोरव खेब 41 बाश्रा सावरायदों आरो बेनि सायाव गुवारै

मिबथिहोदोंदि, हादतनि माइन्रेटिफोरा बेखों लाना गिनांगौनि गोनांथि गैया। मानोना बेयाव जायखि जाया नोगोरारिनि मोन्थाइफोरखों बोखांन लानायनि जेबो खाथि गैया। सिएएनि थांखिया खैफोदआव गोखेंलाथाव मुस्लिम नडे माइन्रेटिफोर जैरे हिन्दु, शिख, जैन, बौद्ध, पारसि आरो खृष्टन धोरेमोरिफोर, जायफोरा बालादेश, पाकिस्तान आरो आफगानिस्ताननिफ्राय फैनानै थाफैनाय, 2014 नि 13 डिसेम्बरनि सिगां भारतआव थाफैनाय बैसोर सुबुंफोरनो भारतयारि नोगोरारि मोन्थाइ होनाय, बे आइनि गेजेरजों बिसोरनि भुगिनांनय दाहाखों फोजोबनो हानाय जागोन।

यमाननि हुतिफोरा हाइपार्सनिक मिसाइल दड होन्ना दाबि दैखादों

जेरुजालेम, 15 मार्च : इज्राइल आरो हामासनि गेजेराव दावहा सोलिबाय थानाय समावनो गाजायाव इज्राइलनि गाग्लोबनायनि हेंथा आरो हामासखों हेफाजाब होग्रा यमाननि हुति बिग्रायारिफोर रेड सियाव लान्थ्रियै गाग्लोबगासिनो थादों। बिसोर इज्राइल आरो बेखों हेफाजाब होग्रा अमेरिका, ब्रिटेन बायदि हादतफोरनि फालांगियारि जाहाजफोरखों थांखि खालामबाय थादों। बिग्रायारिफोरा थांनय 7 अक्टबरनिफ्राय गाजायाव दावहा जागायनायनिफ्रायनो बेबायदि आखु दिन्थिनायखों नुनो मोन्दों। रेड सियाव बिसोर गोबां जाहाजफोरखों थांखि खालामदों। फारसेथि अमेरिका आरो ब्रिटेनआ हुतिफोरनि गोबां केम्पफोरवबो गाग्लोबदों। बेनि उनावबो हुति बिग्रायारिफोरनि थांखिया लोरबां जायाखै। हुदिफोरा मोनसे गिदिर दाबि दैखादों, जायखों अमेरिका आरो ब्रिटेनआबो सोमोनांगोन। रासियानि सरकार मिडियाआ बुंदोंदि, यमाननि हुति



बिग्रायारिफोरा गावसोरनि हाथियार बाखियाव मोनसे गोदान हाइ पार्सनिक मिसाइल दड होन्ना दाबि दैखादों। बे दाबिजों गाजापट्टियाव हामाज आरो इज्राइलनि गेजेराव दावहा सोलिफुनायावबो रेड सि आरो बेनि खाथि-खालानि दै लामायाव हुति बिग्रायारिफोरनि फालांगियारि जाहाजखों गाग्लोबनाय खै फोदआ बांबोदों। रासियानि सरकार आरआइए नबस्टि खौरां एजेन्सिया सासे बिबानगिरिनि गथाइनाय खौरांखों लानानै बे खौरांखों फोसावदों। अदेबानि बेबायदि दाबि दैखांनयखों गोखों खालामनो हानाय जेबो

फोरमान दिन्थिनाय जायाखै। मख'जाथावदि, हुतिनि जौसिन दैदेनगिरि आबुल मालिक अल हुतिया बृहस्पतिबाराव बुंदोंदि, हुति बिग्रायारिफोरा आफ्रिकानि खोला मारुआव कैप अफ गुड हकनि फारसे आवगायलानाय जाहाजफोरनि सायाव

गाग्लोबनो जागायदों। दासिमाव बिग्रायारिफोरा सुयेस जाम्फेनि फारसे रेड सियाव थांनय जाहाजफोरखौल' गाग्लोबदों। अदेबानि दासिमबो रोखा नडादि, बिसोरो माबायदिदें गावसोरनि गाग्लोबनाय थांखिखों

जाफु'होगोन। बे समावनो इराननि राजथावनि तेहराननि गोखेंवै आवगायनाय मिसाइल प्रग्रामखों लानानै अमानआव सावरायनायनि खौरां मोन्नाय जादों। हुतिनि बयनिखुइबो देरसिन हेफाजाबगिरि इरानआ मोनसे हाइ पार्सनिक मिसाइल दड होन्ना दाबि दैखादों आरो बियो बिग्रायारिफोरखों गोबां अन्जिमायाव बै मिसाइलफोरजों सरजाबदों, जायखों बिसोरो आथिखालाव बाहायो। मख'जाथावदि, हुति बिग्रायारिफोरनि हाथियार बाखियाव हाइ पार्सनिक मिसाइल थानाय अमेरिका, इज्राइलजों लोगोसे बेनि हेफाजाबगिरिफोरनि रैखाथि हाबाफारियाव गिदिर सेलेन्स सोमजिखांहोनो हागौ।

गाजायाव जागा मुवा नेनानै थानाय सुबुंफोरखों इज्राइलआ गाग्लोबदों



जेरुजालेम, 15 मार्च : गाजायाव इज्राइलनि गुलि गावनायाव सा 20 सुबुंफोरनि जिउ गोमानाय खौरां मोन्दों। फारसेथि बेयाव सा 155 जोखोम जायो। अदेबानि नुनो मोन्नाय हाबाफोरखों मावफुदों। जम्मु आरो काश्मीरनि जर'खा विमुं होग्रा आर्टिकेल 370 खों बोखारनायनिफ्राय लानानै वान रेंक वान पेन्सन (अआरअपि) खों गोहोम गोनां खालामनायसिम बिथाडा मावफुना दिन्थिदों। सिगानि कंग्रेस सरकारफोरनि उल्थायै आथिखालनि सरकार गावनि समाव गासैबो जौगाखों हाबाफारिफोरखों समनि गेजेरावबो मावफुदों। थांनय 5 बोसोरफोराव बिथाडा जाय बिथांखिफोरनि थाखाय हा पुजा खालामनायजों बेफोरनि 91 जौखोन्दोयानो मावफु जाबाय। बेयो बिजेपनि हाबाफारि मावनाय हारिमु होन्नाबो बुडो।

फाहामसालिनि इमार्जेन्सि आफफदिनि उ महम्मद गरबआ थैनायफेरनि अन्जिमाया बांनो हागौ होन्ना आसा फोरमायदों। मानोना जोखोम जानायफोरनि गेजेराव माखासेनि देहायारि थासारिया जोबोद गोब्राब जानानै दड। सावस्त्रि मावख'नि बायदिब्ला गाजायाव कुबैति लामा दथायाव सुबुंफोर उखैहबनानै सफैन्ने गोनां जाग्रा मुवाफोरखों नेनानै थादोंमोन। बे समावनो इज्राइलआ गुलि गावनाय गाग्लोबदों। बे ओन्सोलाव कामान्ड आरो टेंकजोंबो गाग्लोबनायनि सोदोब खोनानो मोन्दों होन्ना भुगिनांनय सुबुंफोर मिबथिहोदों। गाजानि नोगोरारि रैखाथि आफफदिनि बायदिब्ला, अलशिफा

मोनसे फिन्नायाव बे गाग्लोबनायनि थाखाय इज्राइलखोंनो दायनिगिरि बुंथिदों। बिथाडा इज्राइलनि सान्थि हान्जाया सा गाजापट्टियाव रेहायनि मुवा बेसाद नैनाय थानाय दाय गैयै नोगोरारिफोरखों बुथारनायनि हाबाफारि मावगासिनो दड होन्नाबो बुंदों। फारसेथि इज्राइलनि रैखाथि हान्जाफोरा सुबुंथिनि मदतआ गिबि खेब लैथोमानि लामाजों गाजासिम सौहैगोन होन्ना फोसावदों। सशेल मिडिया प्लेटफर्म एक्सआव इज्राइल रैखाथि हान्जाया बुंदोंदि, गाजायाव हा, अख्रां, लैथोमानि लामाजों सुबुंथिनि मदत जगायनाय जादों। अदेबानि लैथोमानि लामाजों गिबि खेब मदत हैनाया सौहैगोन।

मिरु सरकारनि मोन्थाम गोदान आइनआ 1 जुलाइनिफ्राय गोहोम गोनां जागोन

गोदान दिल्ली, 15 मार्च : मिरुनि नख'र मन्थि अमित शाहआ बुंदोंदि, मिरुनि नरेन्द्र मदि सरकार गोदान क्राइम एक्ट एबा आइनफोरखों अजद गैयै रोखोमै गोहोम गोनां खालामनो थाखाय आबुडै हाबा मावगासिनो दड। फे गो 1 जुलाइनिफ्राय गोहोम जानो गोनां मोन्थाम गोदान आइन्-इन्डियान जास्टिस कड, डा इन्डियान सिभिल डिफेन्स कड आरो डा इन्डियान इभिडेन्स कडआ हादतनि क्राइम जास्टिस हाबाफारिखों सोलायहोगोन। बिथाडा बुंबावोदि, सरकार उतखारिनि हेंथायै गावनि दावहाखों गोजान टेक्नलजि आरो गोखों गुदि बिथानि गेजेरजों गोहो-गोरसिन खालामगासिनो। नेशनेल क्राइम रेकर्ड ब्युर' (एनसिआरबि) नि वेबसाइट आरो मबाइल एप 'संकलन' खों लन्च खालामनानै बिथाडा बुंदोंदि, पटैल आरो एपआ मोन्थाम गोदान आइनफोरनि सायाव नोगोरारिफोर आरो आइन् सामलायगिरि एजेन्सिफोरखों लामा दिन्थिगोन। एपआ गोदान आरो गोजाम क्राइम आइनफोरखों सरजाबनानै गोदान



बिजिरनाय हाबाफारिनि सुस्रानाय राहाफोरखों गोहोम गोनां खालामगोन। मख'जाथावदि, बे मोन्थामबो आइनफोरखों थांनय बोसोरनि 21 डिसेम्बरआव संसदनफ्राय गनायथि मोन्दोंमोन आरो हादतगिरि द्रौपति मुमुंआ 25 डिसेम्बरआव बेफोराव मुंसाइ होदोंमोन। बे आइनफोरा फारियै कल'नियेल इगनि इन्डियान पेनेल कड,

कड अफ क्रिमिनेल प्रसिडुर आरो इन्डियान इभिडेन्स एक्ट अफ 1872 नि जायगायाव बाहायजागोन। बेजों बेनि सिगां भिडिअ कन्फ्रेन्सिनि गेजेरजों मन्थि शाहआ एनआइएनि सिसिएएमएस सफ्टवेरखों बेखेवना होयो। बेजों लोगोसेनो बिथाडा जम्मु आरो कचियाव एनआइएनि गंनै मावख'फोरखोंबो बेखेवयो आरो रनचियाव गंसे थाग्रा न'

लुनाय थाखाय अन्थाइ खाम्फा गायसोनो। मिरुनि मन्थिया आहमेदाबाद आरो गान्धी नगर जिल्लाफोराव 3,012 कौटि रनि बिथांखिफोरखों बृहस्पतिबारावखालि भासुंयेलि आरो अन्थाइ खाम्फा गायसोनो। बे समाव बिबुंथि लाखिनानै बिथाडा बुडेंदि, गाहाइ मन्थि मदिया जानो हाथावै बायदि नुनो मोन्नाय हाबाफोरखों मावफुदों। जम्मु आरो काश्मीरनि जर'खा विमुं होग्रा आर्टिकेल 370 खों बोखारनायनिफ्राय लानानै वान रेंक वान पेन्सन (अआरअपि) खों गोहोम गोनां खालामनायसिम बिथाडा मावफुना दिन्थिदों। सिगानि कंग्रेस सरकारफोरनि उल्थायै आथिखालनि सरकार गावनि समाव गासैबो जौगाखों हाबाफारिफोरखों समनि गेजेरावबो मावफुदों। थांनय 5 बोसोरफोराव बिथाडा जाय बिथांखिफोरनि थाखाय हा पुजा खालामनायजों बेफोरनि 91 जौखोन्दोयानो मावफु जाबाय। बेयो बिजेपनि हाबाफारि मावनाय हारिमु होन्नाबो बुडो।

41 बोसोर बैसोनि शरतआ मुलुगनि 13थि आरो 22थि मासिआव थानाय गेलेगिरिखौ फेजेन्टो

गोदान दिल्ली, 15 मार्च: 41 बोसोर बैसोनि भारतीय टेबल टेनिस गेलेगिरि शरत कमलआ सिंगापुर स्मेशआव मुलुगनि 13 थि मासिआव जायगा मोन्नाय स्लभानियानि डार्क जार्जिच आरो इजिप्टनि मुलुगनि 22 थि नम्बरआव जायगा आवग्रिनाय उमर अस्सारखौ फेजेन्टो खौरांफोरनि हेडलाइनआव जायगा आवग्रिदों। बे खेबने देरहानायजोंनो बिथाडा बे दुनामिन्टि क्वार्टर फाइनालावबो सौहैबाय। मुलुगनि 88 थि मासिआव जायगा मोन्नाय शरतआ बे मेचआव देरहानायजोंनो पेरिस अलिम्पिक आव हासिडे गेलेनायनि खाबुखौ गोखों



खालामदों। मख 'नो गोनादि, बे दुनामिन्टिआव शरतनि दिन्धिफुंन्याय रेकर्डआ मोजां नडामोन। मानोना बिथाडा बे खेबआवसो मोजाडे दिन्धिफुंन्याय बिमुनि फार्से आवगायदों। बेरेखा बादायारि अस्सारखौ बिथाडा थोंजों सेटआव 11-4, 11-8, 12-10 स्करआव फेजेन्टों। बेनि

सोमोनाय फोस्मायदों। लोगोसे गावनि सिगांनि गाञ्जि रेकर्डफोरखौ फोस्मायनाने बे थंखोसिम सौहैगोननि मिजिंथि लायाखैमोन होनानै फोस्मायो। क्वार्टर फाइनालाव बिथाडा बे खेबआव फ्रान्सनि पेलिक्स लेबुनजों सेलेन्जआव ओंखारगोन। टेबल टेनिसनि मुलुगनाडारि रेंकिंआव हरमित देसाइआ 64 थि आरो गुबुन सासे भारतीय गेलेगिरि मानब ठक्करआ 83 थि नम्बरआव दड। आइजो आरो हौवाफोरनि भारतीय हान्जाया गिबि खेबनि थाखाय पेरिस अलिम्पिकनि थाखाय जयै टिकेट मोनो हदों। फेंगौ सन्ताहनिफ्राय फोसावजानो गोनां रेंकिंआव शरतआ मानबखौ गाख्खानो हासिगौ। बेबादि थासारिआव सिंगेल केटेगरिआव बिथाडा पेरिस अलिम्पिकनि थाखाय दाबि देखांजादों।

माद्रिद, 15 मार्च: गल कियार जान अब्लेकनि गरनै गल रेखाथि होनो हानायजों स्पेनिस क्लबा एथलेटिक माद्रिदआ फेनालिटि शूटआउटआव इटालीनि क्लबा इन्टरमिलनखौ 3-2 गल स्करआव फेजेन्टोने सेम्पियन्स लीगनि क्वार्टर फाइनालाव सौहैबाय। गिबि लेगआव रेखाथि होग्रा रनार्साप इन्टरजों 0-1 गल स्करआव जेन्नायनि उनाव एथलेटिकआ थिखानाय समनि गेजेराव 2-1 स्करजों देरहानानै गलनि सानजेर स्करखौ 2-2 स्करआव लाबोफिन्दों। जायनि उनाव देरहानाय थांखिनि थाखाय उफ्रा सम होनाय जादोंमोन। नाथाय एथलेटिकआ बेनि उनाव फेनालिटि शूटआउटआव देरहानो हायो। अब्लेकआ एलेक्सिस सान्जेस आरो डेभि क्लासेन्टि किकखौ होबथादों। एथलेटिकनि थाखाय फारियै एन्डन ग्रीजमे, मेम्फिस



डेफे आरो इन्टरनि थाखाय फेडेरिक डिमार्कआ गल सोदों। मेचनि उनाव मेट्टपिलटान स्टेडियमआव रंजानायनि दोहौआ फारफ्रोमथिंबो गोसारदों। बे समाव एथलेटिकनि कच डिग' सिमननि मेगनआव दुखुनि मोदै बोहैनय नुनो मोन्दों। बिथाडा गेलेगिरिफोरजों लोगोसे अन्सायगिरिफोरनि थाखाय गावनि इमसनेल जानायखौ फोरमायदों। लोगोसे फिन

थाखोआवनो जायखारनांदोंमोन। जेराव बे हान्जाया 2021-22 माइथायनि क्वार्टर फाइनालाव मन्चेस्टर सिटिजों जेन्टोंमोन। जार्माननि क्लबा बरुचिया डर्टमुनआ डच क्लबा पिपेसभि आइन्डभेनखौ 2-0 स्करआव फेजेन्टोने सेम्पियन्स लीगनि क्वार्टर फाइनालाव सौहैबाय। मोननैनि गेजेराव गेलेनाय गिबि लेगआ 1-1 स्करआव समानआव थादोंमोन। नेथि लेगआव डर्टमुननि जाननै जान शंक्रा 3 आरो मार्क रिचआ 90⁵ मिनिटआव गल सोदों। 3 बोसोरनि गेजेराव गिबि खेबनि थाखाय डर्टमुननि हान्जाया लीगनि जोबथा 8 आव जायगा मोन्दों। मन्चेस्टर सिटि, बेयान मिडिन्ख, पिपेसभि, रियेल माद्रिद, बारसिलना, एथलेटिक, आर्सेनेल आरो बरुसिया डर्टमुनआ लीगनि क्वार्टर फाइनालाव सौहैनो हाबाय।

पिभि सिन्धुआ इलेण्ड अपेननिफ्राय जानगाराव



गोदान दिल्ली, 15 मार्च: वर्मिधमआव सोलिन्या अल इलेण्ड सेम्पियनसिपआव अलिम्पिक मेडलिस्ट भारतीय आइजो बेडमिन्टन गेलेगिरि पिभि सिन्धुआ हासि बादायलायनायनि नैथि राउन्डआव जेन्नाबाय। मुलुगनि नम्बर 1 आइजो बेडमिन्टन गेलेगिरि एन से यांआ 42 मिनिटसिम सोलिन्या मेचआव फारियै थेबनैबो सेटआव सिन्धुखौ फेजेन्टोने बिथांनि दाबबायनायखौ होबथादों। बे जेन्नाया पिभि सिन्धुनि थाखाय करियानि गेलेगिरि यांजों दासिमआव 7 थि खेब जेन्नायमोन। सिन्धुआ गिबि सेटआव 19-21 आरो नैथि सेटआव 11-21 स्करआव जेन्नांदोंमोन। हान्थुआव जोखोम मोन्नायनिफ्राय मोजाडाव फेफिन्यायनि उनाव सिन्धुआ बे सेम्पियनसिपनि गेजेरजों कर्टआव ओंखारफिन्दोंमोन।

अल इलेण्ड सेम्पियनसिपनि गिबि राउन्डआव सिन्धुआ जार्माननि गेलेगिरि यिवनी लीजों मोगा-मोगि जादोंमोन। जेराव बिथांनि मेच गेजेरनिफ्राय जायखारनायाव भारतीय गेलेगिरि सिन्धुआ नैथि राउन्डआव हावदोंमोन। यांजों बादायनाय समाव सिन्धुआ गावनि मोजां आदोबखौ जोजबदोंमोन। जायनि गेजेरजों बिथाडा गिबि सेटआव 4-1 स्करआव आवगायजेन्टोंमोन। नाथाय बे समनिफ्रायनो यांआ सिन्धुनि गोरोन्थिफोरनि खाबु लानानै आवगायफिन्दों। मोनसे समाव स्करआ 19-20 आव फेदोंमोन। नाथाय बेनि उनाव 22 बोसोर बैसोनि करियानि गेलेगिरिआ देरहादोंमोन। नाथाय नैथि सेटआव सिन्धुआ बेरेखा बादायारिनि हे'थायै सिखांफिन्याव फेलें जादों। जाउनाव बिथाडा 11-21 स्करआवनो जेन्नांदों। दासिमाव

सिन्धुआ गावनि केरियारआव मुलुगनि नम्बर 1 यांनि हे'थायै खेबसेल' मेच देरहादों। बिथाडा थानाय बोसोराव दुबाइ सेम्पियनसिपआव बिथांनि हे'थाय देरहादोंमोन। गुबुन सासे भारतीय गेलेगिरि लक्ष्य सेनआ कमनवेल्थ गेम्सआव सनानि मेडल देरहानायनि उनाव अल इलेण्ड बेडमिन्टन सेम्पियनसिपआव हौवाफोरनि हासि बादायनाय प्री क्वार्टर फाइनाल मेचआव मुलुगनि 6 थि नम्बरनि एन्डार्स एन्टसेननि हे'थायै खेबथाम सेटआव देरहानानै क्वार्टर फाइनालाव गावनि मासिखौ रोखा खालामदों। सेनआ बेनि सिगां डेनमार्कनि बादायारि एन्टसेननि हे'थायै गेलेनाय खेबने मेचआव खेबसेल' देरहादोंमोन आरो गुबुन खेबथाम मेचआवनो जेन्नांदों।

गोदान दिल्ली, 15 मार्च: अस्ट्रेलियानि उइकेट कियार बेटसमेन मेथ्यु वेडआ रेड बल क्रिकेटनिफ्राय आजिरा लानो फोसावबाय। बिथाडा सोलिफु सिजनआव 21-25 मार्चनि गेजेराव शेफिल्ड शील्डनि फाइनालाव तस्मानिया हान्जानि बेरेखायै गावनि जोबथा फास्ट क्लास मेच गेलेगोन। बे मेचआव बिथांनि हान्जाया सोनाब अस्ट्रेलियानि हान्जाजों पर्टनि फोथारआव बादायगोन। बे जोबथा मेचआव गेलेनायनि जाउनाव बिथांखो इन्डियान प्रिमियर लीगनि जानो गोनां 17 थि सिजननि सिगांनि खेबने मेचआव नुनाय नड। जायनि



थाखाय गुजराटनि हान्जाया गोखों थिरांथा लादों। मेथ्युआ रोखा खालामनाय बादिल्ला, बिथाडा अस्ट्रेलियानि थाखाय लिमिटेड अथारनि क्रिकेटआव थाबाय थागोन। थामहिनबा बिथांखौ बे बिबुंथिनिफ्राय

वर्ल्ड कापआवबो बिथाडा अस्ट्रेलिया हान्जानि बाहागोआव थागोन। हाबाडआव जोनोम मोन्नाय मेथ्युआ खेबने शील्ड बिमुं देरहाबाय। जायनि गेजेराव बिथाडा खेबनेखौ केपेन महेर देरहादों। बबेखानि गावनि हान्जाजों गेलेनाय समाव बिथाडा आथिखालाव मिजिंथि बादियै दिन्धिफु'गासिनो दड। क्रिकेटनि फोथारआव गोलाव सम जेनाफोर आरो रंजानाय

बुब्लिजों सम बारहोनायखौ फोरमायनानै ह्वाइट बलआव गावनि बाहागो जालांगोनखौ फोरमायो। लोगोसे नख 'रजों लोगोसे गावनि आंगोफोरनि थाखाय समनि हांखानायव रेड बलनिफ्राय जायखारनायनि थांखि लानायखौ फोरमायो। मेथ्युआ अस्ट्रेलियानिफ्राय खेब 36 टेस्ट मेच गेलेनो खाबु मोनखांबाय। बे समाव बिथाडा 29.87 जौखोन्टोंजों 1613 रान लादोंमोन।

गुजराट टाइटान्सनि हान्जाया आइपिएल 2024 नि सिगां मोनसे गोखों थिरांथा लादों



थाखाय गुजराटनि हान्जाया गोखों थिरांथा लादों। मेथ्युआ रोखा खालामनाय बादिल्ला, बिथाडा अस्ट्रेलियानि थाखाय लिमिटेड अथारनि क्रिकेटआव थाबाय थागोन। थामहिनबा बिथांखौ बे बिबुंथिनिफ्राय

वर्ल्ड कापआवबो बिथाडा अस्ट्रेलिया हान्जानि बाहागोआव थागोन। हाबाडआव जोनोम मोन्नाय मेथ्युआ खेबने शील्ड बिमुं देरहाबाय। जायनि गेजेराव बिथाडा खेबनेखौ केपेन महेर देरहादों। बबेखानि गावनि हान्जाजों गेलेनाय समाव बिथाडा आथिखालाव मिजिंथि बादियै दिन्धिफु'गासिनो दड। क्रिकेटनि फोथारआव गोलाव सम जेनाफोर आरो रंजानाय

बुब्लिजों सम बारहोनायखौ फोरमायनानै ह्वाइट बलआव गावनि बाहागो जालांगोनखौ फोरमायो। लोगोसे नख 'रजों लोगोसे गावनि आंगोफोरनि थाखाय समनि हांखानायव रेड बलनिफ्राय जायखारनायनि थांखि लानायखौ फोरमायो। मेथ्युआ अस्ट्रेलियानिफ्राय खेब 36 टेस्ट मेच गेलेनो खाबु मोनखांबाय। बे समाव बिथाडा 29.87 जौखोन्टोंजों 1613 रान लादोंमोन।

रहित शर्माआ आइपिएलआव रेकर्ड सोरजिनायनि लामायाव

गोदान दिल्ली, 15 मार्च: रहित शर्माखौ फिन खेबसेबाव आइपिएलआव मुम्बाइ इन्डियान्सनि जानानै गेलेनाय नुनो मोनगोन। रहित शर्मानि आइपिएल केरियारआ बोसोर 2008 माइथायाव डेक्कन चार्जर्सजों जागायदोंमोन।



बिथाडा 2009 आव एडम गिलक्रिस्टनि केपेननि सिडव आइपिएल बिमुं देरहादोंमोन। बेनि उनाव बिथाडा 2011 माइथायाव मुम्बाइ इन्डियान्सआव फेदोंमोन। 2013 निफ्राय शर्माआ बे हान्जाखौ देदेनगासिनो दड। दायो हार्दिक पन्डियाआ मुम्बाइ इन्डियान्स (एमआइ)नि गोदान केपेन जाबाय। बे समावनो जेब्ला रहित शर्माआ फिन आइपिएलआव हाबगोन अब्ला बिथांनि थांखियाव माखासे गिदिर रेकर्ड जानो थांगासिनो दड। 11 बोसोरनि उनाव रहित शर्माखौ बे हान्जानि थाखाय सासे गेलेगिरि महेर नुनो मोनगोन, बिथाडा खेब 5 आइपिएल बिमुं देरहानो हादोंमोन। बबेखानि

रहित आरो हार्दिकनि बागै गोबां सावरायनाय जायो। मुम्बाइ इन्डियान्सनि बादाया जागायबाय आरो रहित शर्माआबो थाबैनो बे बादायाव सौहैगोन। केपेन हार्दिकआ गावनि थियारिखौ जागायबाय। रहितनि रेकर्डनि बाध्रा बुडोब्ला, बिथाडा टी-20 क्रिकेटआव दासिम खेब 7 सेन्सुरि रान लानो हाबाय। बेयाव टी-20 हादर गेजेरारि आरो आइपिएल मेचफोरारो दंफायो।

रहित शर्माआ ग्लेन मेक्सवेल, ब्रेन्डन मेकुलाम, ल्युक राइट बायदि जौथाय रान बानायदोंमोन। थामहिनबा बिसोर गासैबो गेलेगिरिफोरा टी-20 आव खेब 7 सेन्सुरि रान लानो हाबाय। रहित शर्माआ आरोबाव सेन्सुरि रान लानो हाबावोब्ला गासैखौबो उनाव गालांनो हागोन। ग्लेन मेक्सवेलखौ नागारनानै गुबुन गेलेगिरिफोरा दायो आजिरा लाबाय। नाथाय मेक्सवेलखौ बे बोसोराव आइपिएलआव आरसिबिनि जानानै गेलेनाय नुनो मोनगोन। रहित शर्माआ आरोबाव सेन्सुरि रान लाबावोब्ला बिसोर साथाम गेलेगिरिफोर फारियै एरन फिन्स, डेभिड वानार्, भिराट क हली आरो माइकेल क्विल्ट गरनि उनाव थागोन, जायनि मुडव खेब 8 सेन्सुरि दड। डेभिड वानार् आरो भिराट क हलीखौबो आइपिएलआव गेलेनाय नुनो मोनगोन।

नितिनआ चैस फेडारेसननि उन्दैसिन आफादगिरि जानो हाबाय

गोदान दिल्ली, 15 मार्च: हरियाना चैस एस 'सिएसनि लेडाइ आफादगिरि नितिन नारंआ अल इन्डिया चैस फेडारेसन (एआइसिएफ)नि आफादगिरि सायख 'जाबाय। बिथाडा चैस फेडारेसननि जारिमिनआव आफादगिरि महेर सायख 'जानाय उन्दैसिन गेलेगिरि जाबाय। कर्नालनि सासे 36 बोसोर बैसोनि फालांगिरि नितिनआ गेलेमु आइनि बिथायाव




ए आ इ सिए फ नि बिसायख 'थियाव हे'थाव बादायारि गेयालासे सायख 'जादों। बिथाडा कानपुरनि सन्जय कापुरनि उनाव

चैस फेडारेसननि बिबानखौ सामलायसिगोन। गुजराटनिफ्राय देब पाटेलआ गाहाइ नेहाथारि आरो धर्मेन्द्र कुमारआ बिहारनिफ्राय रं दोन्थुमगिरि महेर बिबानआव थिसनजादों। बिस्वनाथन आनन्दनि उनाव हादरनि नैथि जिएम सोनाब बेंगलनि दिव्येन्दु बरुवाआ लेडाइ आफादगिरि बिबाननि थाखाय सायख 'जाबाय। नितिन नारंआ हरियाना राइन्थोनि गिबिसिन् सुबुं जाबाय, जाय एआइसिएफनि आफादगिरि सायख 'जादों। सा 6 लेडाइ आफादगिरिफोरा बिथांजों मददआव थागोन।

बेरेनि गाग्लोबनायाव इन्डियान वेल्सनि मेचखौ दसे सम दोन्थ'नांदों

गोदान दिल्ली, 15 मार्च: सोलिफु सेम्पियन स्पेननि कार्लस अल्कारेस आरो इन्डियान वेल्स अपेननि जार्माननि आलेक्जेन्डर ज्वेरेबनि गेजेराव बादायनाय इन्डियान वेल्सनि क्वार्टर फाइनालाव मेचखौ माखासे समनि थाखाय दोन्थ'नाय जादों। मानोना गेलेफुबाय थानाय समावनो बिसोरनि सायाव बेरेआ गाग्लोबदों। बेरे गाग्लोबनायनि भिडिअआ आथिखालाव गोखैयैनो ससेल मिडियाआव गोसारगासिनो दड, जेराव अल्कारेसखौ गोखैयैनो कर्टनिफ्राय खारलांनय नुनो मोन्दों। बादायनाय मेचआ 18 मिनिटसिम सोलिबायमोन आरो बे समाव सानैनिबो स्करआ 1-1 जानानै दडमोन। बे समाव अल्कारेसआ शेयार आम्पायारनि



खाथियाव थानंदोंमोन आरो बे समावनो बिथांखौ फालोसे बेरेआ गाग्लोबदोंमोन। नाथाय माखासे समनि उनावनो मेचआ जागायफिन्दोंमोन। जायनि उनाव अल्कारेसआ ज्वेरेबखौ 6-3, 6-1 स्करजों फेजेन्टों। आइजोफोरनि हासि बादायनायाव एम्मा नभारवआ बिएनिप परिबास अपेननि ब्रैथि राउन्डआव नैथि मासि मोन्नाय आर्यना सभालेन्काखौ 6-3, 3-6, 6-2 स्करजों फेजेन्टों। बे देरहानाया आमेरिकानि लाइमोन

गेलेगिरि एम्मानि केरियारनि दासिमनि बयनिखुडुबो साबसिन देरहानाय। 22 बोसोर बैसोनि भाजिनियाआ सोलिफु बोसोराव ब्रैथि खेबनि थाखाय क्वार्टर फाइनालाव सौहैदों। गावनि 20 थि जोनोम सानखालि आमेरिकानि कक गफआ एलिच मर्थेन्सखौ 1 घन्टानिबो बांसिन समसिम सोलिन्या मेचआव 6-0, 6-2 स्करआव फेजेन्टोने दुनामिन्टिआव फारियै नैथि खेबनि जोबथा 8 आव सौहैयो। नभार'आ सोलिफु बोसोराव

हाबाडआव बिमुं देरहाखांबाय। बिथाडा सोलिफु बोसोराव डब्लिउटिए टुरआव 18-5 स्करआव जेन्नाय-देरहानाय रेकर्ड थिसनानै दड। मेचनि उनाव बिथाडा सभालेन्कानि सार्भखौ बाख्नायदोंमोन। नाथाय बे समाव बिथाडा सभालेन्कानि रिटान शटआव फेलें जानायखौ फोरमायदों। कक गफआ अस्ट्रेलियान अपेननि उनाव बे मेचखौ गावनि साबसिन मेच फोरमायदों। हौवाफोरनि डूआव ब्रैथि मासि मोन्नाय दानिल मेदभेदेभआ 13 थि मासि मोन्नाय गिगार दिमित्रभखौ 6-4, 6-4 स्करजों फेजेन्टों। 9 थि मासि मोन्नाय केसफर रथ्यआ गेल मानफिल्सखौ 3-6, 7-6(3), 6-4 स्करजों फेजेन्टों। इटलीनि लुका नाडिआ टपी पलजों 6-4, 6-3 स्करआव जेन्नांदों।

BRAWFED organises **"VIRASAT"**

National Handloom Expo (NHE) "Gandhi Bunkar Mela" 2023-24, Delhi
(for market promotion & sales of Hand-woven Textile & Handicraft Products under NHDP)

From: **16/03/2024 to 29/03/2024** daily 11 a.m. to 8 p.m.
Venue: **National Centre for Heritage Textiles, Janpath, New Delhi**

"MY HANDLOOM MY PRIDE"

Organised by: **Bodoland Regional Apex Weavers & Artisans Co-operative Federation Ltd. J.D. Road, Kokrajhar, B.T.R., Assam.**

Sponsored by: **Development Commissioner, Handlooms, Govt. of India, Ministry of Textiles, New Delhi.**

Issued from Office of the Managing Director, BRAWFED, J.D. Road, Shyamgaon, Kokrajhar - 783370, B.T.R., Assam
Mobile : +91- 8011673907 / 9954506736 / 9678540540 Email : mdbrawfed@gmail.com, Website : www.brawfed.in